

四庫全書

經部

欽定四庫全書

詩緝卷十七

宋 嚴粲 撰

鹿鳴之什

小雅

譜曰小雅大雅者周室居西都豐鎬之時詩也○程子曰自鹿鳴以下二十二篇各賦其事而用之其周公之爲乎與二南同也○陳氏曰周家之治至於文武其禮文浸以煩縟故周公因一事以作一詩其目二十有二以發揚其誠意太史錄之其後或舉是事則復歌是詩焉○朱氏曰正小雅燕饗之樂也○補傳曰季札觀周樂歌大雅則曰文王之德歌小雅則曰周衰有遺民意其一時觀樂豈能盡歌工人於大小雅間取其一二以

審其音耳大雅所歌必受命等篇故曰文王之德小雅所歌必思古等篇故曰周衰有遺民

正小雅二十二篇皆中庸尊賢親親體羣臣柔遠人懷諸侯爲天下國家之大經非政之小也

鹿鳴燕羣臣嘉賓也既飲食之

飲食音陰嗣

又實幣帛筐篚

音匡

以將其厚意

疏曰飲有酬賓送酒之幣食有侑賓勸飽之幣

然後忠臣嘉

賓得盡其心矣

古者上下交而爲泰於鹿鳴諸詩見之儀禮註云鹿鳴君與臣下及四方賓燕之樂歌也故序以羣臣嘉

賓兼言之詩不言羣臣唯言嘉賓則總謂羣臣爲嘉  
賓以禮待臣之厚也詩中求規益序所謂盡心謂忠  
告無隱也上下之情不通則忠臣嘉賓雖欲盡心以  
告君而其勢分隔絕有不可得者義在得字非爲必  
待燕而後盡其心也杜甫云聖人筐篚恩實欲邦國  
活得古人用詩之意矣

呦呦鹿鳴

呦音幽○程子曰呦呦和聲也

食野之苹

音平○傳曰苹萍也○箋曰賴蕭也

賴音賴陸璣曰葉青白色莖似箸而輕脆始生香可生食又可蒸食脆七歲反

我有嘉賓

今曰總稱

羣臣及賓客也鼓瑟吹笙

瑟解見闕雅曰笙以匏爲之十三管列匏中而施簧管端○李氏

曰瑟者包羲氏所作笙簧女媧氏所作

吹笙鼓簧

簧解見王君子陽陽○疏曰吹笙之時鼓其笙

中之簧○今曰鼓謂動其聲易繫辭鼓之以雷震注鼓動也吹笙則動其簧而發聲承筐是將

承猶奉也○傳曰筐篚屬將行也

人之好我

好去聲

示我周行

示毛如字鄭作寘行

毛如字鄭音航○朱氏曰周行大道也○傳曰周至也○周行有考見卷耳

興也鹿得野苹而呦呦然和聲呼其類以共食之興

君有飲食召羣臣嘉賓與之燕樂也我有此嘉賓爲

之鼓其瑟吹其笙吹笙之時動其笙中之簧又奉承

箱篚以盛幣帛而將其意情文相稱驩欣交通庶乎  
人之好愛我者示我以大道矣以告我者爲相愛蓋  
道之使言也燕禮於旅也語所以通下情求規益豈  
曰耽樂飲酒乎哉○釋草革有二種一云革萍其大  
者蘋此水生之革也解見采蘋一云革蕭郭璞云  
今蘋蒿也此陸生之革也即鹿所食是也

呦呦鹿鳴食野之蒿

呼毛反○蒿解見蓼莪

我有嘉賓德音孔昭

德音解視民不怵

音挑○朱氏曰怵薄也○曹氏曰視民與視民如傷同義

君子是

則是做我有旨酒嘉賓式燕以教

傳曰遨遊也○今日言其禮之從容也

嘉賓教益於我皆有德之言甚昭明矣其視民則不薄之謂所言皆仁厚也雖君子之人猶法則之視做之言可爲善類之師表也我與之燕飲而遨遊庶乎從容款洽而有磨礱浸潤之益非徒遊燕而已○箋破上章示我之示爲寘故以此章視民之視爲示今皆如字則此視爲瞻視之視

呦呦鹿鳴食野之苓

音琴○傳曰苓草也○陸璣曰莖如釵股葉如竹蔓生澤中下地鹹

處牛馬亦  
喜食之

我有嘉賓鼓瑟鼓琴鼓瑟鼓琴和樂且湛

音耽

字又作耽○傳曰湛樂之久也

我有旨酒以燕樂嘉賓之心

非徒養其氣體也  
以之燕飲而樂其心  
庶其罄竭而無隱耳

### 鹿鳴三章章八句

四牡勞使臣之來也

勞使並去聲○疏曰事畢來歸也

有功而見知則

說矣

說音悅○李氏曰四牡五章皆言其勞則是深知之矣

人臣之事皆職分所當爲  
不計其君之知不知也此



特序詩者之辭以爲使臣有馳驅之勞而其君能深體之其心之喜說當如何非使臣必待見知而後說也

四牡騤騤

音非○傳曰騤騤行不止之貌

周道倭遲

倭音威○詩記曰使臣初發自周道

以往○傳曰倭遲回遠之貌

豈不懷歸王事靡盬

音古○李氏曰王事者公事也○解

見唐鵠羽我心傷悲

使臣既還文王燕饗以勞之而歌是詩焉述其在途之情而設爲使臣自道之辭若曰我乘四牡騤騤然

行而不止由岐周之道而往他國倭遲然回遠我豈  
不思歸乎特以王事不可以不堅固不敢徇私以廢  
公是以我心自傷悲耳所悲之事謂念父母也下章  
言之○文王未嘗稱王而言王事者諸侯受天子之  
命以治其國西伯受天子之命以統諸侯使臣往來

皆王事也

朱氏曰爲臣者奔走王事時以盡其職分之當爲何敢自以爲勞哉然君之心則不

以是而自安也臣勞於事而不自言君探其情而代  
之言上下之間可謂各盡其道矣○傳曰思歸者私  
恩也靡盬者公義也傷悲者情思也○箋曰無私思  
非孝子也無公義非忠臣也君子不以私害公不以

家事辭王事○范氏曰臣之事君也必先公而後私君之勞臣也必先恩而後義

四牡騤騤嘽嘽駱馬

嘽音灘駱音洛○傳曰嘽嘽喘息之貌白馬黑鬣曰駱○嘽嘽考見

松高○山陰陸氏曰今之駱馬最耐勞

豈不懷歸王事靡盬不遑啓處

音

○釋言曰啓跪也○釋曰莊子云擎蹠曲拳說文云蹠長跪也蹠音起○傳曰處居也○項氏曰古者席地故有跪有坐跪即起身居則坐也孝經居吾語汝坐而有所敬則跪○今日跪者雙膝著地而直身也坐者雙膝著地而坐也○李氏曰大意爲不暇居處之義

駱馬耐勞苦今以勞之故猶嘽嘽然喘息人勞可知矣

翩翩者雛

也當作佳凡鳥之短尾者皆佳屬○曰鷗鷖

鳩也即鄉子祝鳩氏司徒也離一鳥而十四名離也佳其也鵲鳩也祝鳩也鳩鵲也鵲鳩也鵲鳩也楚鳩也鵲

鳩也音孚浮亦作夫不鷁音昆鷁音汾鷁

音葡萄 鴿音役 鷄音葵 ○左傳注曰祝鳩孝故主教民 ○  
陸璣曰如小鳩 ○山陰陸氏曰壹宿之鳥鳩性慈孝慤

謹故聽聲考詳篇云雀聲慘毒鳩聲慈念鴈鳩  
性壹而慈祝鳩性壹而孝離鳥之短尾總名也  
載飛載

下  
則笑曰  
也哉

集于苞

棚

也音許○曰相柞也櫟

王事靡盬

遑將父

傳曰將養也

興也設爲使臣之言謂在途之時思念父母因見孝

鳥鵲鳩其飛貌翩翩然或飛或下集止於叢生之棚  
木鵲鳩性壹飛止不離常處故得遂其孝養我以王  
事不可不堅固行役無常處不暇將養其父鵲鳩之  
不如也

翩翩者鵲載飛載止集于苞杞

音起○曰杞枸杞也一  
名枸欏枸音苟欏音計

○今曰本草有枸杞一名仙人杖一名西王母杖山谷  
有顯聖寺庭枸杞詩云養成九節杖持獻西王母天隨  
子又言常食杞菊東坡有後杞菊賦即此杞也其根名  
地骨其莖幹三五尺作叢春作羹茹微苦相傳蓬萊縣  
南丘村多枸杞  
高者一二丈  
王事靡盬不遑將母

詩有三杞將仲子無折我樹杞柳屬也有臺南山有杞湛露在彼杞棘山木也此詩集于苞杞雅杖杜北山言采其杞四月隰有杞檇枸杞也

駕彼四駱載駮駮駮

駮愁之去駮音侵○釋文曰駮馬步疾也○今日走馬曰馳不馳而

步疾爲駮○錢氏曰駮駮馬前進貌

豈不懷歸是用作歌將母來諗

音審箋

曰諗告也○疏曰左傳云辛伯諗周桓公

設爲使臣之言謂我駕彼四駱疾步而駮駮然前進豈不念親而懷歸乎所以作此歌詩以養母之情

來告於君也此詩本君今作之以勞使臣非使臣所作然五章皆設爲使臣自述之辭故末章託言使臣作此詩以來告蓋臣有此勞苦之情不敢自言君探其情而代之言示君之知其涉苦以勞之也獨言將母承上章之文也

四牡五章章五句

皇皇者華君遣使臣也

李氏曰先遣而後勞則皇皇者華當在四牡之前蓋三百篇之

本末多有顛倒者如載馳衛懿公之詩乃在於文公之後清人鄭文公之詩乃在於突忽之前葛藟平王之詩

乃在於桓王之後皇皇者華君遣使臣之詩乃在於四  
牡之後而豳風之破斧乃在於東山之後雖其顛倒如  
此亦非詩之本意也○詩記曰作是詩以遣使臣在文  
王時至於周公制禮作樂之後凡遣使臣無不用是詩  
以遣送之以禮樂也曹氏曰燕以遣之所謂禮  
言遠而有

光華也

疏曰光顯其君常不辱命於彼○歐陽氏曰稱  
美其能將君命爲國光華於外爾○程子曰天

子遣使四方以觀省風俗采察善惡訪問疾  
苦宣道化於天下下國蒙被聲教是以光華

遣使以禮樂歸又勞之體羣臣也

皇皇者華

傳曰皇皇猶煌煌也  
○疏曰草木之華

于彼原隰

釋地曰廣平  
曰原下濕曰

隰○今考釋地云高平曰陸傳於  
原陸皆曰高平當以釋地爲正

駉駉征夫

駉音華○  
傳曰駉駉



衆多之貌○箋曰征夫衆行夫也○李氏曰使臣之屬也

每懷靡及

今日懷念也

興也使臣還則勞之遣則勉之言皇皇然光明者草

木之華于彼原隰之間猶使臣能將命爲國光華於

遠近也駢駢然衆多之行人皆敏於赴功每念不及

於事唯恐不逮也征夫如此使臣可知遣使之初預

道其忠勤以勉其能然也

曹氏曰說者以爲使臣被君之光寵以出遠近高下

皆有光華此爲使臣之辭則可以爲君遣之之辭則不可

我馬維駒

音俱解見漢廣

六轡如濡

音濡○箋曰如濡言解澤也○李氏曰羔裘如濡

載馳載驅周爰咨諏

沮之平○歐陽氏曰周徧也○箋曰爰於也○釋詁曰諏謀也○程

子曰採察求訪使臣之職○范氏曰王者遣使於四方教之以咨諏善道將以廣聰明也

所乘之馬維駒在手之六轡其鮮澤如水沾濕之乘  
是車馬馳驅疾行當周徧其所而詢問之以廣人君  
之耳目亦勉之也諏謀度詢皆訪問之意不必分咨  
事咨難之類

我馬維駒

駒解見小戎

六轡如絲

李氏曰如絲言調直也

載馳載驅周

爰咨謀

我馬維駟

駟解見四牡

六轡沃若

說文曰沃灌漑也○補傳曰沃潤澤也○今曰猶如

濡也載馳載驅周爰咨度

音鐸

我馬維駒

音因○傳曰陰白雜毛曰駒○駒詳解見駒

六轡既均

傳曰均調也

載

馳載驅周爰咨詢

音荀

### 皇皇者華五章章四句

常棣

音弟

燕兄弟也閔管蔡之失道故作常棣焉

疏曰左傳富辰

云昔周公弔二叔之不成故封建親戚以藩屏周召穆公思周德之不類故糾合宗族於成周而作詩曰常棣之華鄂不韡韡外傳云周文公之詩曰兄弟閱于牆外禦其侮則此詩自是周公所作但召穆公虎見厲王之

時兄弟恩疏重歌此周公所作之詩以規之耳故鄭答趙商云凡賦詩者或造篇或誦古○朱氏曰文武之際固有燕兄弟之詩矣周公以管蔡之爲亂也故制作之際更爲是詩委曲致意以申兄弟之好蓋燕兄弟者文武之政而閔管蔡者周公之心也夫燕兄弟之詩當極其和樂以篤兄弟之好而此詩專言死喪急難之事其志切其詞哀蓋處兄弟之變孟子所謂其兄闕弓而射之則已垂涕泣而道之之義也文武燕兄弟之詩雖不可見然意其詞氣和平必異於此故序者以閔管蔡之失道發之

讀此詩知後序亦有不可廢者矣

常棣之華

曰常棣也玉李也○釋木曰唐棣移常棣棣移音移○舍人曰唐棣一名移常棣也一名

棣○郭璞曰今關西有棣樹子如櫻桃可食○程子曰今玉李也華鄂相承甚力○李氏曰何彼穠矣言唐棣

之華與論語所舉偏其反而則爾雅所謂移也  
此常棣與采薇言維常之華則爾雅所謂棣也 鄂不韡

韡

鄂音諤韡音偉○箋曰承華者曰鄂疏曰鄂比於弟  
華比於兄○錢氏曰鄂與萼同○傳曰韡韡光明也

凡今之人

范氏曰言舉世之人也

莫如兄弟

興也玉李其華繁密其鄂豈不韡韡然光明乎華以  
覆鄂鄂以承華華鄂相承覆而光明猶兄弟相承覆  
而榮顯也凡今之人與我交接者皆莫如兄弟之至  
親也凡今之人總言下文朋友妻子也○一章發端  
姑言兄弟之常而辭氣抑揚之間已有感歎不盡之

意其斯周公之心乎

死喪之威

傳曰威畏也

兄弟孔懷

傳曰懷思也

原隰裒矣

裒薄侯反○傳

曰裒聚也○王氏曰不得保其常居患難之時也

兄弟求矣

一章以華鄂相輝喻兄弟之求顯姑以安樂之時言之既而斷以凡人皆不如兄弟則安樂之時未足以見其情之切至於是二章以下皆以死喪急難之事驗之死喪可畏怖之事他人未必相念維兄弟甚相思念也方困窮流離羣聚於原野之時維兄弟則相

求以相依也

詩記曰疏其所親而親其所疏此失其本心者也故此詩反覆言朋友之不如

兄弟蓋示之以親疏之分使之反循其本也本心既得則由親及疏秩然有序兄弟之親既篤而朋友之

義亦厚矣初非薄於朋友也苟雜施而不孫雖曰厚於朋友如無源之水朝滿夕除胡可保哉

脊令在原

令音零○曰脊令雪姑也○釋鳥曰鴈鵠雛渠渠○郭璞曰雀屬也飛則鳴行則搖○陸璣

曰大如鴈雀長脚長尾尖喙背上青灰色腹下白頸下黑如連錢故杜陽人謂之連錢鴈音晏○山陰陸氏曰

義訓云鴈鵠錢母物相感志云俗呼雪姑其色蒼白似雪鳴則天當大雪極爲驗矣○程子曰言鴈鵠首尾相

應兄弟急難之際其相應如是也

兄弟急難

如字又去聲

每有良朋況也永

歎

平聲又去聲○傳曰況茲也

脊令飛則鳴行則搖在原作者是其行時也非在原不見其行故以在原言之脊令行而在原則搖其身首尾相應如兄弟急難相救也世以手足喻兄弟亦謂如左右手之相救一體同氣天性自然至親至切之喻也每猶凡也當急難之時凡有良朋於此長歎而已未必能相救也

李氏曰林回云彼以利合此以天屬也夫以利合者迫窮禍患害相

棄也以天屬者迫窮禍患害相救也

○小宛取義在於飛則鳴故曰題

彼脊令載飛載鳴此詩取義在於行則搖故曰脊令



在原程子以爲脊令首尾相應是也鄭氏以爲水鳥  
宜在水中在原則失其常處故飛鳴以求其類非也  
今雪姑非水中之鳥若失其常處而飛鳴以求其類  
凡鳥皆然何獨脊令哉

兄弟閱于牆

閱許歷反○傳曰閱狠也

外禦其務

如字讀者又音侮○今曰禦止也務

猶事也箋曰訓誨也

每有良朋烝也無戎

曹氏曰烝衆也○傳曰戎相也相去聲

兄弟或不相得鬪狠於牆內非令兄弟也然有他人  
來侵侮之則同心以外禦爲務不以小忿而敗親也

當他人侵侮之時良朋雖衆然無相助者言兄弟之

不令者猶勝朋友之良者也

朱氏曰此章正爲管蔡啟商之事而發以明兄

弟恩情之篤也

喪亂既平既安且寧雖有兄弟不如友生

情義之輕重當於死生患難之時觀之若喪亂既平

安寧無事之時則以爲兄弟不如友生矣何不於死

喪患難之時觀之乎○或謂友生約我以禮義兄弟

所不如非此詩重兄弟之意或曰及其安寧乃謂兄

弟不如友生可乎文意不順

儋爾籩豆

儋音鬚○傳曰儋陳也

飲酒之飲

飲之去聲○蘇氏曰飲饜也

兄弟

既具和樂且孺

樂音洛○程子曰孺親慕之義小兒親慕父母謂之孺子

生患難之時惟兄弟義重則平安之時不可忘兄弟

也宜燕兄弟以親睦之儋陳爾之籩豆飲酒至於饜

飫兄弟具集和樂而相親慕也

妻子好合

好去聲

如鼓瑟琴兄弟既翕

傳曰翕合也

和樂且湛

音耽

○鹿鳴傳

曰湛樂之久也

薄俗多知妻子之愛而忘兄弟之重故言爾於妻子  
好合和睦如鼓瑟琴其聲相應然必兄弟翕合相聚  
然後其樂湛久也兄弟不相合而唯樂其妻子其樂  
淺矣

宜爾室家樂爾妻帑

音奴依字吐蕩反經典通  
爲妻帑字○傳曰帑子也

是究是

圖亶其然乎

傳曰亶  
信也

承上章之文言爾能與兄弟翕合則可以宜爾之室  
家樂爾之妻帑爾試窮究之圖謀之庶幾信吾之言

乎蓋必深長思之而後以吾言爲然也家室言妻帑  
所在妻帑即室家之人也○此詩專以死喪急難之  
事明兄弟恩義之至切雖朋友妻子皆不如兄弟之  
重八章之中勤拳反覆蓋周公處兄弟之變其事雖  
已往而懇切哀傷之心其痛猶未定也詩中雖不言  
管蔡之事而閔管蔡之心惻然溢於言辭之表矣坡  
詩云周公與管蔡恨不茅三間此最說得周公之心  
出

常棣八章章四句

伐木燕朋友故舊也自天子至于庶人未有不須友以成者親親以睦友賢不棄不遺故舊則民德歸厚矣

後序之言無害於理而以說此詩則支離矣

伐木丁丁

涉耕反音近爭○劉氏曰丁丁聲相應也

鳥鳴嚶嚶

音嬰○箋曰嚶嚶兩鳥聲

也

出自幽谷

傳曰幽深也

遷于喬木

傳曰喬高也

嚶其鳴矣求其

友聲

箋曰遷處高木者呼其尚在深谷者

相彼鳥矣

相去聲○箋曰相視也

猶求友

聲矧伊人矣

傳曰矧況也

不求友生神之聽之終和且平

程子

曰和謂相好○

今曰平謂不爭

興也山中伐木其聲丁丁然相應是與人共伐之有朋友之義焉鳥在木上聞伐木之聲則嚶嚶然驚鳴而飛自深谷之中遷徙于他木之上其驚飛倉卒之際猶不忘其類作求其友之聲喻朋友相求相援也視彼鳥之無知尚作求友之聲況以人而不求友生乎神聽聞之言吾儕相與爲友當終久相與和平也

伐木許許

音虎○朱氏曰許許衆人共力之聲淮南子云舉大木者呼邪許蓋舉重勸力之歌也

釃酒有蕕

釃音師蕕徐之上濁○傳曰以筐曰釃以藪曰滑蕕美貌○疏曰筐竹器也藪草也漉酒

者或用筐或用草用草者用茅也僖四年左傳云爾貢包茅不入王祭不供無以縮酒是也

既有肥

羶

音紆除之上濁○傳曰羶未成羊也○郭璞曰今俗呼五月羔爲羶

以速諸父

箋曰速召也○

朱氏曰諸父朋友之同姓而尊者○傳曰天子謂同姓諸侯諸侯謂同姓大夫皆曰父異姓則稱舅○疏曰禮

記注云稱之以父與舅親之辭也長曰伯少曰叔天子稱朝廷公卿則無文蓋依諸侯之例

寧適不

來微我弗顧

傳曰微無也○箋曰顧念也

於粢灑埽

於如字舊音烏灑總之上埽音

譌○傳曰陳饋八簋

饋音匱簋音軌○竄解見攬與○曹氏曰八簋言其盛也正義以爲

周官掌客云五等諸侯簋皆十二又公食大夫禮用六簋毛云天子八簋者據侍族人設食之禮而言耳然序



云朋友故舊何止族人此乃文王詩其事猶在商世周禮皆出於周公制作以後豈得拘以爲制哉既有

肥牡

疏曰肥  
野之牡

以速諸舅寧適不來微我有咎

傳曰咎  
過也

上章以伐木共事爲朋友之義故下章每言伐木以題之言伐木者衆人共力其聲許許然有朋友相資之義也以筐醺酒而去其糟其酒蕪然而美又有肥野以召同姓朋友曰諸父者而燕樂之寧使彼適然有故而不來無使言我不顧念也於是粲然鮮明灑埽其室庭陳其飲食有八簋之盛又有肥牡以召異

姓朋友曰諸舅而燕樂之寧使彼適然有故而不來

無使我有過咎也

伐木于阪

音返○阪解見東門之

醴酒有衍

上去二音○今日衍水溢也言酒之滿

籩豆有踐

解見伐柯

兄弟無遠

上去二音○朱氏曰兄弟朋友之同儕者

民之失

德乾餱以愆

餱音侯字亦作糲○今曰餱乾食也公劉乃稟餱糧王制乾豆注云乾謂腊之以爲

豆實䟽云豆實非脯而云乾者謂作醢及醢先乾其肉腊音昔醢音泥

有酒湑我

湑須之上○傳

曰湑醕之也茵音縮○釋文曰與左傳縮酒同義謂以茅泝之而去其糟泝音濟子禮反○今日即毛氏上文

以數曰湑也

無酒酤我

酤鄭音沽又音顧毛音戶○箋曰酤買也○䟽曰論語酤酒市脯不食

坎坎鼓我

宛丘傳曰坎坎擊鼓聲

蹲蹲舞我

蹲音遼○傳曰蹲蹲舞貌

迨我暇

矣

箋曰迨及也

飲此滑矣

醴酒有衍而滿籩豆有踐而成行列朋友同儕曰兄弟者無有疏遠皆使召之而與之燕也民之失德者不能厚朋友故舊之禮或因乾餼之食不分於人以獲愆過此可爲戒故我命有司設燕者曰有酒則爲我以茅茵之無酒則爲我酤買之非必無酒設言縱使無酒猶當酤之篤於朋友不以有無爲辭也下文

言飲此滑知不待酤也又令鼓人坎坎然爲我擊鼓  
又令舞人蹲蹲然爲我興舞今正及我閒暇矣與朋  
友飲此所滑之酒也當燕飲之時言此者見恩厚之  
意常存前此特未得暇耳示殷勤也○此言無酒設  
言之耳前漢食貨志義和魯匡言承平之世酒酤在  
官和肯使人非經意也一詩之內凡言我皆燕朋友  
者自我也曰微我有咎微我弗顧迨我暇矣及滑我  
酤我鼓我舞我皆同鄭氏以爲族人陳王之恩則是

臣答君之辭非君燕臣之辭矣君燕臣之樂歌但當述已待臣之意不當述其臣感已之辭也

伐木三章章十二句

毛氏六章六句今從劉氏每章首言伐木是也

天保下報上也君能下下以成其政

今考下下本註俱去聲韻註上字音

暇降也自上而下也下字遐之上濁底也元在物下也然上濁讀爲去聲

臣能歸美以報其

上焉

箋曰下下讀鹿鳴至伐木皆君所以下臣也臣亦歸美於上以答其歌○蘇氏曰人君以鹿鳴以下

五詩宴其羣臣天保者豈以答是五詩於其燕也皆用之歟

此報上之樂歌也謂答上篇五詩以相成也

天保定爾

箋曰保安也○朱氏曰爾指君也

亦孔之固

傳曰固堅也

俾爾單

厚

單鄭音丹毛音鹽○今日俾爾猶卷阿言俾爾彌爾性○箋曰單盡也

何福不除

○音筋程

子曰除有消去之義其受之也皆若消去而未嘗有○朱氏曰除舊而生新也

俾爾多益

補傳曰曰

厚亦取厚下之意

以莫不庶

箋曰莫無也○傳曰庶衆也

天下無德外之福故詩人祝君以福必本之以德言

天安定爾位亦甚堅固矣使爾每事盡厚則何等福

不消受也使爾多行利益則民物無不蕃庶也厚謂

忠厚益謂利益於民損上益下則益矣損下益上則

損矣民物蕃庶即君之大福也○此詩曰厚曰益曰  
穀皆以俾爾言之祝君之德也曰除曰庶曰宜曰興  
曰增皆以無不莫不言之祝君之福也俾爾單厚則  
欲其每事皆厚俾爾多益則欲其每事皆益俾爾戩  
穀則欲其每事皆善謂有一之未厚未益未善則不  
足爲君德之全歸美之中有責難者寓若盡以爲言  
福祿則全篇皆容悅之辭豈古者君臣相與之義邪  
凡詩人頌福多兼德言之

天保定爾俾爾戩穀

戩音剪○朱氏曰戩與剪同盡也穀善也言盡善云者猶其曰單厚

多益

罄無不宜

傳曰罄盡也

受天百祿降爾遐福

傳曰遐遠也

維

日不足

使爾盡善則無所不宜宜君宜王宜民宜人宜兄宜弟無所不順也故能受天之百祿降爾以遐遠之福滿招損謙受益故福祿雖盛而不自止足所謂吉人爲善維日不足也

天保定爾以莫不興如山如阜如岡如陵

釋地曰高平曰陸大陸曰



阜大阜  
曰陵 如川之方至以莫不增

上言福除矣庶矣宜矣此又欲其福之興興言興盛也如山之高矣又復如山脊之岡則愈高矣如阜之大矣又復如大阜之陵則愈大矣此所謂興也山阜岡陵猶有定體故又欲其福之增增言加益也川本源深流長而方至則又盛長之初其增不可量也

吉蠲爲饔

蠲音鵠 饔音熾 善也 蠲潔也 饔飲酒也 傳曰吉

是用孝享

傳曰享 獻也

禴祠烝嘗

禴音藥 烝音蒸 祀也 至周則去夏禘之名以春禴當之更名

春曰祠○曹氏曰此詩云禴祠烝嘗蓋追作於成王世耳

于公先王

箋曰先公謂后稷至諸盤熱音

籌又音舟○䟽曰文王時祭所及先公不過祖紺亞圉后稷而已言后稷至諸盤者廣舉先公之數不謂祭盡及先公也紺音韜○朱氏曰先王謂大王以下也文王時周未有曰先王者此詩非武王時作則或周公所更定者

君曰卜爾

今日君即先公先王也○朱氏曰卜猶期也○錢氏曰前知也

萬壽無

疆

吉善蠲潔以爲酒食是用致其孝敬之心以獻享之  
夏禴春祠冬烝秋嘗以四時祭於先公先王也先公  
先王言其爾得萬壽無窮之福此謂嘏辭也

神之弔矣

弔音的○傳曰弔至也

詒爾多福

詒音移○傳曰詒遺也遺音位

民之

質矣

程子曰質實也

日用飲食羣黎百姓

箋曰黎衆也○李氏曰羣黎百姓當以爲

民

徧爲爾德

此章承上章祭祀言神以來至矣遺爾君以多福民皆質實矣智巧不生日用飲食而已故羣衆百姓皆爲爾德淳質則近德機巧則近賊也上既曰民下復曰羣黎百姓申廣言之見無一民之不爲爾德也德者民心之所自有而曰徧爲爾德者民因君而全其

天則民心之天與君心之天更無差別故民之德皆君之德猶曰莫匪爾極也

如月之恒

音衡胡登反舊亦作絙古鄧反今不從○今日恒常也久也

如日之升如

南山之壽

今日終南山也考見秦終南山

不騫不崩

騫音憊○傳曰騫虧也

如松

柏之茂無不爾或承

前既言其福興矣增矣此又欲其永久日月南山松柏皆永久之物也然月盈則虧如月之恒欲其常盈而無虧也日中則是如日之升言其方升而未是也

日月猶有虧昃又如終南山之壽不騫虧不傾壞則  
可謂堅固矣然人君之福非享之一身而已又如松  
柏之茂無不承其庇覆者則天地鬼神山川羣臣百  
姓草木禽獸無不賴之○毛鄭以恒爲上弦今考恒  
字無弦義唯絙字訓弦索亦作絙音亘古鄧反恒與  
絙其字與音義皆不同易恒卦止爲常久之義

天保六章章六句

采薇遣戍役也

箋曰戍守也

文王之時西有昆夷之患北有

玃狁之難

玃狁音險允難去聲○箋曰玃狁今匈奴也

以天子之命命將率

將去聲率衰之去○箋曰天子殷王也

遣戍役以守衛中國故歌采薇以

遣之出車以勞還

勞去聲還音旋

杕杜以勤歸也

杕音第○程子曰上能察

其情則雖勞而不怨雖憂而能勵矣○范氏曰予於采薇見先王以人道使人後世則牛羊而已矣

采薇出車杕杜諸詩周之所以興也漸漸之石君之

華何草不黃諸詩周之所以衰也言遣戍役者主師

衆言之其實遣將率戍役同歌采薇併將率遣之故

詩中無言君子小人也三詩述其往返始終之辭大

略相似但采薇是遣之之始預道其勞苦而因以勉之出車杜則述其已事之勞而慰之耳

采薇采薇

薇解見草蟲疏曰二月時

○薇亦作止

傳曰作生也○錢氏曰起也薇始生

也

曰歸曰歸歲亦莫止

莫音暮○箋曰莫晚也丁寧歸期定其心也○歲莫解見唐蟋

蟀○疏曰出車云春日遲遲薄言還歸則此戌役以明年之春始得歸矣期云歲莫莫實未歸○錢氏曰歲莫則念歸人情之常靡室靡家玁狁之故不遑啟居

解見四牡不遑啟處玁

狁之故

總遣將士設爲將士自道之言曰我今從戍正是春

月采取薇菜之時其薇菜亦已作而生矣曰何時歸  
乎曰何時歸乎連言之者念歸之切自計當在歲晚  
也雖託爲軍士自計之辭亦因示歸期以安其心也  
男有室女有家今男不得以室爲室女不得以家爲  
家述其情思也又不暇啓居述其勞苦也皆以獫狁  
之故言不得已而用兵非上之人毒我也此以義曉  
之而託於軍士之自道若其心之已諭耳

程子曰毒民不由乎

上則人懷敵愾之心矣○補傳曰西漢志謂懿王時戎狄交侵中國被其苦詩人歌之曰靡室靡家玁狁



之故謂懿王時重歌  
此詩以勞士卒耳

采薇采薇薇亦柔止

程子曰始長而柔

曰歸曰歸心亦憂止憂

心烈烈

今曰如火烈烈言內熱也

載饑載渴

箋曰載則也

我戍未定靡使

歸聘

傳曰聘問也

遣戍之時薇始生其後薇始長而柔脆則可食矣感  
時物之變念歸而憂憂心烈烈而內熱重以饑渴勞  
苦甚矣我戍守之事未得安定無人可使歸問其家  
之安否將率受命之日則忘其家託爲將士自道之

辭而勉之以義也

采薇采薇薇亦剛止

曹氏曰薇剛則老硬不可食矣

曰歸曰歸歲亦陽

止

箋曰十月爲陽時坤用事嫌於無陽故名此月爲陽

王事靡盬不遑啟處憂心

孔疚

音究○傳曰疚病也

我行不來

箋曰來猶反也

薇始長而柔今又剛矣十月爲陽歸期當在十月之

後即上章所言歲莫也十月以後至十二月皆可稱

歲莫憂心雖甚病而我之役未可以歸亦託於其自

道而勉之也○十一月一陽生十月新陽胎萌故曰

陽月猶四月芳華以物成於陰而四月微陰胎萌故

也

彼爾維何

爾乃禮反○傳曰爾華盛貌

維常之華

傳曰常常棣也○解見常棣

彼

路斯何

王氏曰路戎路也

君子之車

箋曰君子謂將率

戎車既駕

戎車解見

六四牡業業

烝民箋曰業業動也○今日動而不息之意有考見雲漢

豈敢定居一

月三捷

傳曰捷勝也○程子曰言速也

彼爾然而華盛者維何木之華乎維是常棣之華也

彼路車者斯何人之車乎維是君子將率之車也此

詩兼遣將率故以常棣之華喻君子車飾之盛君子  
既駕此戎車以出征而四牡之馬業業然動而不息  
豈敢安居乎其心自期一月之間三戰而三捷耳此  
託於將士自期之辭以勉其立功之速也

駕彼四牡四牡騤騤

音葵○今日傳於此云騤騤騤也於桑柔云不息也經四牡騤騤凡

四出今皆以爲不息

君子所依

程子曰依止也○朱氏曰猶乘也

小人所腓

音肥○箋

曰小人戌役也○程子曰腓從動之義○今日腓足壯也易咸卦咸其腓如足之腓身動則隨而動也

四

牡翼翼

錢氏曰翼翼整肅貌

象弭魚服

弭音教○傳曰象弭弓反末也○箋曰弭以象骨爲

之以助御者解轡紆宜滑也服矢服也紆音計又音結  
○䟽曰弭者弓弣之名是弓之末弣弛之則反曲故云  
弓反末也繩索有結用以解之故曰所以解紆也左傳  
云歸夫人魚軒服虔云魚獸名則魚皮又可以飾車也  
弣音梢○陸璣曰魚  
獸似猪東海有之  
豈不日戒玃狁孔棘  
箋曰棘急也

駕彼四牡其四牡騤騤然不息此戎車者將率之所  
依止戍卒之所從動帥乘輯睦可知矣遣將率戍役  
同歌是詩故以君子小人兼言之又四牡翼翼然整  
肅其弓弣曰弣以象骨爲之其矢服以魚獸之皮爲  
之軍既閑習器械又備於時將士豈不日相警戒乎

猥狁之難甚急不可不討也亦託於將士自道之辭  
而因以警勅之

昔我往矣楊柳依依

傳曰楊柳蒲柳也○柳解見秦車鄰○錢氏曰依依柳柔弱之貌

今我來思

李氏曰思語辭也

雨雪霏霏

雨音諭霏音妃○傳曰霏霏甚也○釋文曰雨

雪貌

行道遲遲

傳曰遲遲長遠也

載渴載饑我心傷悲莫知我哀

言昔我往征戍之時蒲柳依依然柔弱即首章所言  
采薇之時也今我來歸遇雪下霏霏然即首章所言  
歲亦莫止也首尾申言之亦丁寧以安其心也此言

霏霏想像而預言之耳我行道遲遲然長遠又困於  
饑渴我心甚傷悲矣莫有知我之哀苦者文王遣戍  
而言莫知其勞苦乃所以深言其知之也

傳曰君子能盡人之

情故人忘其死

### 采薇六章章八句

出車勞還率也

勞去聲還音旋率衰之去餘同○箋曰遣將率及戍役同歌同時欲其同心反

而勞之異歌異日殊尊卑也禮記云賜君子小人不同日○程子曰此詩所賦自受命至還歸其事有序大要

將率在歸功

采薇方遣行之初而預道其將來之勞苦見深體之心也出車林杜當還歸之後而追述其已往之勞苦示不忘之意也

我出我車于彼牧矣

釋地曰郊外曰牧

自天子所

王氏曰天子紂也○釐氏

曰文王爲西伯雖得專征必以王命行之

謂我來矣召彼僕夫

傳曰僕夫御夫也

謂

之載矣王事多難

去聲

維其棘矣

箋曰棘急也

文王命南仲伐昆夷玁狁成功而還述其始事以勞

之託爲將率自道之辭言我駕出我之戎車往彼郊



外之牧地者蓋有人來自商王之所命我爲此行也  
我是以召御車僕夫令使裝載而往也興師出於王  
命名正言順矣非文王之私也王事多難昆夷殲狁  
並起爲患其勢甚急非生事好功也將率可謂能體  
國矣一章述其前時之忠敬以慰勞之也

我出我車于彼郊矣

李氏曰郊與牧義同

設此旐矣

傳曰龜蛇旐○疏曰此

及下傳鳥隼曰旐交龍爲旐皆春官司常文也

建彼旐矣

傳曰旐干旐○朱氏曰建立也○箋曰建

之戎車○疏曰旐在地已屬之於干旐言建旐亦同建之也

彼旐旐斯

旐○朱氏曰

鳥隼龜蛇曲禮所謂前朱雀而後玄武也○楊氏曰師  
行之法四方之星各隨其方以爲左右前後進退有度  
各司其局則士無失伍離次矣○補傳曰至周官  
則建此各有等今並建之意商以前用此法耳

胡不

旆旆

音佩○朱氏曰旆旆飛揚之貌○董氏曰禮云  
德車結旌武車綏旌綏綏謂垂舒之也綏耳佳反

憂

心悄悄

鐵之上○邶柏舟  
傳曰悄悄憂貌

僕夫況瘁

音萃○箋曰況  
茲也瘁憔悴也

設爲將率之辭言我出車往彼郊地之時人競於趨  
事或設旐於干或建旐於車車上載干干上設旐干  
首有旐旐旐互言之耳言此旐彼旐見一時並設也  
彼旐與旐何有不旐旐然飛揚者乎言皆旐旐然飛

揚軍容甚張也軍容雖甚張然臨事而懼故憂心悄悄然僕夫左右之人亦爲之憔悴則將率可知矣二章述其前時之戒懼以慰勞之也○繼旄曰旄旄以全帛爲之續旄末爲燕尾者名之爲旄言旄之本體也左傳建而不旄言張旄也此胡不旄旄乃飛揚之貌生民往敎旄旄亦揚起也

王命南仲

傳曰王殷王也南仲文王之屬

往城于方

傳曰方朔方近獫狁之國也○疏曰

朔方地名○朱氏曰今靈夏州西夏所據之地○曹氏曰即六月所爲侵鎬及方是也

出車彭彭

音棚○今日經中唯載驅行人彭彭必旁反音如邦自餘彭彭皆如字出車詩出車彭彭傳云馬貌蘇氏曰壯

盛北山四牡彭彭傳云不得息大明駟駟彭彭疏云強盛烝民四牡彭彭無傳箋云行貌韓奕百兩彭彭無傳

無箋駟以車彭彭傳云有力有容其說不一然不得息即行之意行而不息亦由壯盛其意一也旂旒

央央

如字又音英○傳曰交龍爲旂央央鮮明也○朱氏曰交龍爲旂所謂青龍也○補傳曰所謂旌旗

動色武夫生氣也

天子命我城彼朔方

程子曰禦戎狄之道守備爲本不以攻戰爲先

也赫赫南仲

程子曰赫赫德名顯盛也

玁狁于襄

如字或作攘○傳曰襄除也○今日

如不可襄也之襄

文王以殷王之命命南仲爲將往築城於朔方名正

順氣勢增倍故南仲出車彭彭然壯盛其旂與旄央  
央然鮮明乃稱王命以令衆曰天子命我來築城於  
朔方也師直爲壯矣朔方之地爲獫狁所侵軼今王  
命南仲驅去獫狁以城之而已不事窮蹙之也赫赫  
然顯盛之南仲能除獫狁而驅之出境述其功也三  
章述其前事之奮揚以慰勞之也

詩記曰兵事以哀敬爲本而所尚則

威二章之戒懼三章之奮揚並行而不相悖也

昔我往矣黍稷方華

箋曰朔方之地六月時也○疏曰曰方生華也○曹氏曰復以六月

自北徂西而  
伐西戎也

今我來思

李氏曰思語辭也

雨雪載塗

雨音諭○傳曰塗凍

釋

王事多難

去聲

不遑啓居

解見四牡

豈不懷歸畏此簡書

傳曰

簡書戒命也鄰國有急以簡書相告則奔命救之○疏曰古者無紙有事則書之於簡謂之簡書○長樂劉氏曰謂王命載之以竹簡也

采薇首章言玁狁之故則遣戍專爲玁狁此詩不及  
戰事而言玁狁于襄是玁狁不待戰而自遁北方已  
定矣既而西戎復興於是以簡書就命南仲移師伐  
西戎此章述南仲承命西伐之事也言我昔自朔方

而往伐西戎當黍稷方華六月之時也今我自伐西  
戎歸而在道雪落釋爲塗泥春初之時也初謂止伐  
獫狁期於歲莫可以畢事而歸因有西伐之命遂致  
遷延春初猶在道也往返道路如此之久蓋以王事  
多危難不暇啓處我心豈不思歸乎畏此告急之簡  
書故奔命相救不得還也簡書謂移師西伐之命也  
○采薇言往自周北戍之時也此言往自朔方西伐  
之時也采薇言來初期歸時也此詩言來自西戎歸

而在道之時也下章言春乃至家耳

嘒嘒草蟲

嘒音腰

趯趯阜螽

趯音剔螽音終解並見召南草蟲○朱氏曰此章言其室

家相望之情也

未見君子

箋曰君子斥南仲也

憂心忡忡

音充○擊鼓疏曰忡忡爲憂之

意

既見君子我心則降

戶江反○箋曰降下也

赫赫南仲薄伐西

戎

當南仲出征在外之時其室家思望之嘒嘒草蟲六句與召南義同既見君子亦望其歸之辭也故曰此赫赫然顯盛之南仲伐西戎而未歸也○此章鄭氏



以爲近西戎之諸侯望王師之至然上章述已伐西戎歸而在道此章覆說未至西戎諸侯望之則其言無倫序當從朱氏

春日遲遲卉木萋萋

卉音諱韻又音毀○傳曰卉草也○疏曰萋萋茂美也

倉庚

喈喈

音皆

采繁祁祁

曰繁白蒿也○紫解見采繁祁祁考見七月

執訊獲醜

程子曰訊

問也其魁首當訊問者○纂曰醜衆也○今日醜謂徒黨來降者

薄言還歸

還音旋

赫赫

南仲玁狁于夷

傳曰夷平也○玁狁大故以爲始以爲終平玁狁者玁狁大故以爲始以爲終

上章言其未歸也室家望之此章言其既歸也室家

喜之春初在道春深乃至故言春日遲遲然陽氣舒  
緩草木萋萋然茂美黃鸝喈喈然和鳴采芑以生蠶  
者祁祁然衆多於此之時執其魁首之可問者又獲  
其醜衆之降服者乃赫赫然顯盛之南仲平玁狁而  
還歸也叙景物之暄妍稱將率之功伐皆喜而道之  
也繁以生蠶婦人之事述其所見知爲室家之言也  
獨言玁狁不言西戎者舉出師所主也采芑不戰亦  
言執訊獲醜此詩亦不戰而言之也

出車六章章八句

杜杜勞還役也

勞去聲還音旋○范氏日出車勞率故美其功杜杜勞衆故極其情先王以已

之心爲人之心故能曲盡其情民忘其死以忠於上也此詩首末皆序其室家思望之情以勞之也

有杜之杜

曰杜赤棠也解見唐杜杜

有睠其實

睠還之上濁○傳曰睠實貌○呂氏曰杜

之有實秋冬之交也

王事靡盬繼嗣我日日月陽止

陽解見采薇

女心

傷止征夫遑止

興之不兼比者也戍役來歸追述未還之時室家思望之情以勞之示上之知其勞也言杜然特生之杜

有皖然之實是秋冬之交婦人感時物之變而思其  
君子之未得歸故言王事不可不堅固我征夫行役  
以日繼日無有休息之期以至日月陽止歲將莫矣  
婦人之心憂傷矣征夫閒暇可歸矣望之之辭也言  
日月陽止者以采薇遺戍之初期以歲亦陽止而歸  
也

有杕之杜其葉萋萋

丘氏曰萋  
萋新葉

王事靡盬我心傷悲卉

木萋止女心悲止征夫歸止

秋杜萋萋然生新葉則春又將莫矣自秋冬之交即望其歸既而歲莫不至爽初期矣今至春莫猶以王事之故而使我心傷悲也草木皆萋然有葉矣女心傷悲矣征夫可以歸矣亦望之之辭也

陟彼北山言采其杞

今日枸杞也三杞考見四牡

王事靡盬憂我父

母

丘氏曰君子之父母也

檀車幘幘

音闡○傳曰幘幘敝貌

四牡瘠瘠

音管○傳

曰瘠瘠罷貌罷音皮

征夫不遠

北山之枸杞可采而食則春莫矣時物之變如此而

君子久役未歸以王事不可不堅固至貽我父母之  
憂檀車憚憚然而敝四牡瘡瘡然而疲征夫不遠而  
當歸也亦望之之辭○鄭云杞非常菜也孔氏云杞  
木本非食菜皆不明言其爲何物以采言之當是枸  
杞呂氏朱氏以爲春莫杞可食杞之可食者惟枸杞  
也婦以事舅姑爲職汝墳勉其夫以正則曰父母孔  
邇蓋謂不必憂家也此詩望其夫之歸則曰憂我父  
母蓋謂父母思之當早歸也汝墳則下之人明其義

此詩則上之人體其情各盡其道也

匪載匪來憂心孔疚期逝不至

傳曰逝往也  
疏曰往過也

○而多爲

恤

傳曰恤  
憂也

卜筮偕止

筮曰偕  
俱也

會言近止征夫邇止

庶幾其歸且不遠矣既而車則不裝載人則不來歸

所以憂心甚病也約歸之期已過而猶不至使我多

爲憂恤矣本期歲莫則歸而春深猶未至是其期已

過也於是或卜之龜或筮之著二者皆占問之其言

會合皆云近矣則庶幾征夫之歸近矣○此詩四章

皆不言戍役來歸之事唯述其未歸之時室家思望之切如此則今日之歸其喜樂爲何如也所以慰勞之也

杕杜四章章七句

魚麗

音商

美萬物盛多能備禮也文武以天保以上治內

采芣以下治外始於憂勤終於逸樂

音洛

故美萬物盛多

可以告於神明矣

告音枯○朱氏曰此燕饗通用之樂歌極道物多且盛見主人禮意之勤

以優賓也



文武無逸樂之事逸樂亦非文武之心所謂終於逸樂後序衍說也開後世人主怠政之漸矣或曰始終通言周興之本末始於憂勤言其初創造之艱難也終於逸樂言其效謂其後功成治定遺後人以太平也所謂既醉太平鳧鷖守成皆成王之事而文武憂勤之效也文武之時頌聲未作此詩燕饗之樂歌非告神明之詩而曰可以告亦要其後而言之耳然周公戒成王以無皇耽樂是人主雖當逸樂之時不可

有逸樂之心況治未及成周者可不兢兢業業乎

曰疏

時雖太平猶非政治頌聲未興未可以告神明猶言頌聲可作耳而欲許之故云可以可以告神明猶言頌聲可作耳此非告神明之詩也文王之風終於騶虞序以爲王道成則近於雅矣文武之雅終於魚麗序以爲近於頌矣○程子曰六月序云魚麗廢則法度缺矣物不足則不能備法度也○曹氏曰物之生於最多者莫如魚故牧人之夢以衆維魚矣爲豐年之兆

魚麗于罍

音柳○傳曰麗歷也罍曲梁也寡婦之笱也○疏曰曲薄也以薄爲魚笱其功易成故號

之寡婦笱耳非寡婦所作也○今日鱮音當沙○傳周勃傳織薄曲師古注葦薄爲曲也鱮音當沙○傳鮪也鮪音駝○郭璞曰鮪今吹沙也○陸璣曰鮪一名黃揚今黃頰魚是也似燕頭魚身形厚而大長頰骨正

黃魚之大而有力解飛者鯊魚狹而小常張口吹沙故曰吹沙○山陰陸氏曰鱮今黃鱮魚也性浮而善飛躍故一曰揚也鯊性沈大如指狹圓而長有墨點文常沙中行亦於沙中乳子故張衡云縣淵沈之鯊鰕也字指云鰕鯊屬異物志云吹沙長三寸許背上有刺螫人海物異名記云鯊似鰕而狹小鰕音留見張平子歸田賦

君子有酒

句○舊以君子有酒旨爲句今從朱氏○疏曰君子指武王

旨且多

箋曰旨美

也

魚麗于留魴鱧

音禮○曰魴鰕也解見陳衡門○釋魚曰鱧鮓鮓音曉○今日毛氏以鱧爲鮓

本草云鱧一名鮓今黑鯉魚道家以爲厭者也郭璞云鱧鮓山陰陸氏云鱧今玄鯉與蛇通氣是郭璞陸氏皆同毛說以鱧爲今之烏鯉魚也今不從舍人云鱧名鮓陸璣云鱧鮓也似鯉頰狹而厚見舍人與陸璣皆以鱧

爲今之鮫魚也今從之鮪音  
同又音寵亦作鯨蠡音禮

君子有酒多且旨

魚麗于罍鰾鰾

鰾音偃○曰鰾似鮐也鮐音拈○今日  
毛氏及前儒皆以鮐釋鰾惟郭璞以鰾

鮐各爲一魚鰾今偃額白魚也鮐別名鰾本草鰾一名  
鮐魚一名鰾魚是鰾鮐鰾爲一魚不言是鰾見郭璞與  
本草合毛傳質略當言似鮐耳本草鰾魚脊中鱗一道  
數至尾無大小並三十六鱗有赤鰾有白鰾有黃鰾三  
種

君子有酒旨且有

捕魚者以寡婦筍施之水中而魚麗歷於其中者有  
鰾揚有鯊鮐有魴鰾有鰾鮐有似鮐之鰾有三十六  
鱗之鰾以六魚略言之見魚之多耳寡婦筍以薄爲

之苟簡易成非工緻之器又施於水中以待魚之自至而其魚靡所不有萬物盛多可知矣君子又有酒美而且多以之行禮無不備也○孔氏以鰭鯊皆爲大魚陸璣以鰭爲大魚鯊爲小魚山陰陸氏以鰭鯊皆爲小魚山陰陸氏又云鰭魚黃魴魚青鯉魚玄鯉魚白鯉魚赤又云鰭鯊小魚魴鯉中魚鯉鯉大魚又云鰭鯊長魚魴鯉之魚則一方一圓鯉鯉之魚則一俯一仰又鰭鯊魴其性浮鯉鯉其性沈意謂五色

之備而小大長短浮沈之不同也然詩人言鰾鰾魴  
鰾鰾不過如潛頌言有鰾有鮪鰾鰾多著魚  
名以見魚之多非謂止有此六魚也此六魚一一爲  
之說則潛六魚豈又皆有說乎鰾鰾大小猶未有定

說不必泥可也

傳曰太平而後微物衆多取之有時用之有道則物莫不多矣古者不風

不暴不行火草木不折不芟斧斤不入山林豺祭獸  
然後殺獮祭魚然後漁鷹隼擊然後罝羅設是以天  
子不合圍諸侯不掩羣大夫不麝不卵士不隱麇庶  
人不數罟罟必四寸然後入澤梁故山不童澤不竭  
鳥獸魚鼈皆得其所然暴音僕罝音畏數七欲反○  
疏曰風暴謂北風也芟蓋葉落而盡似芟之也皆十

月也不圓之使通恐盡物也梁止可爲防於兩邊不得當中皆隱塞通音通

物其多矣維其嘉矣

多則患其不善今既多而又嘉矣

物其旨矣維其偕矣

蘇氏曰偕齊也○詩記曰旨即所謂嘉也物雖嘉旨然陸產或不如

水產之盛澤物不如山物之蓄猶未可以言偕也

變嘉言旨旨即嘉也旨而偕則無不美也

物其有矣維其時矣

有言無一或缺即所謂偕也物既偕又有適當其時

然後盡善今既有而且得其時矣○詩經說禮多言  
時魚麗維其時矣楚茨孔惠孔時類弁爾殽既時賓  
之初筵以奏爾時生民胡臭亶時蓋時者適其時之  
宜三時不害而奉酒醴以告神魚麗楚茨生民所謂  
時也君子之食惟其時物不時不食類弁賓之初筵  
所謂時也雖所言有廣狹皆謂適其宜也

詩記曰所  
謂時者不

專爲用之之時也苟非國家閒暇內  
外無故則物雖盛不能全其樂矣

### 魚麗六章三章章四句三章章二句



南陔

音該○今曰李善注補亡詩云陔隴也呂向云南方養萬物方此以戒養故取之爲名

孝子

相戒以養也

養音樣

白華孝子之潔白也華黍時和歲豐

宜黍稷也有其義而亡其辭

箋曰此三篇者鄉飲酒燕禮用焉曰笙入立于縣中

奏南陔白華華黍是也孔子論詩雅頌各得其時俱在耳篇第當在於此遭戰國及秦之世而亡之其義則與衆篇之義合編故存至毛公爲詁訓傳乃分衆篇之義各置於其篇端云又闕其亡者以見在爲數故推改什首遂通耳而下非孔子之舊縣音玄○釋文曰此三篇蓋武王之時周公之禮用爲樂章吹笙以播其曲孔子刪定有三百一十一篇內遭戰國及秦而亡子夏序詩篇義合編故詩雖亡而義猶在也毛氏訓傳各引序魁其篇首故序存而詩亡○疏曰有其義而亡其辭此二句毛氏著之也子夏得爲立序則時未亡以六月序

知次在此處也孔子之時尚在漢氏之初已亡故知戰國及秦之世而亡之也

董氏以爲笙入者有聲而無詩非失亡之乃本亡也此說非也樂以人聲爲主人聲即所歌之詩也若本無其辭則無由有其義矣序本因其辭以知其義後亡其辭則惟有序所言之義存耳



詩緝卷十七

欽定四庫全書

經部

詩經卷十八

詳校官監察御史臣孫家賢

通政使司副使臣莫瞻菴覆勘

總校官進士臣繆琪

校對官中書臣潘奕雋

謄錄監生臣黃熙純

欽定四庫全書

詩緝卷十八

南有嘉魚之什

小雅

宋嚴粲撰

陸氏曰自此至菁菁者莪六篇并亡篇三足成王周公之正小雅

南有嘉魚樂與賢也

樂音洛

大平之君子

大音泰

至誠樂與

賢者共之也

朱氏曰此亦與樂通月之樂

南有嘉魚南山有臺皆燕賢之樂歌故曰樂與賢樂

得賢言以樂樂之也猶射義言騶虞者樂官備也采  
蘋者樂循法也采繁者樂不失職也皆以播之樂歌  
爲樂之也嘉魚謂之與賢以詩言有酒燕賓是與之  
相親也有臺謂之得賢以詩言邦家之基爲民父母  
因以致福壽名譽是得之爲用也

陳氏曰太平之君  
意滿志得侈心日

生得賢則未必有益於治失賢則亦未必趨於亂是以賢者漸致疎棄不肖者漸致狎昵間有勉強與賢者共享其樂亦不能久今也至誠樂與賢者共之非天資重厚學與性成不能如是也

南有嘉魚

傳曰江漢之間魚所產也  
○箋曰南方水中有善魚

烝然罩罩

○張教反  
○王肅

曰烝衆也○傳曰罩簞也簞音驚助角反○郭璞曰捕魚籠也○李巡曰編細竹以爲罩無竹則以荆謂之楚

簞  
君子有酒

丘氏曰君子成王也○今曰簞以君子爲斥時在位者今不從

嘉賓式燕

以樂

音洛協句五般反○丘氏曰嘉賓新進之賢也○箋曰式用也

興也魚深潛者也南方江漢之間產善魚編細竹以爲罩而籠取之羣然罩之又罩而後得之興賢者隱伏於下必人君勤求而後得之也今賢者既至成王有酒與此新至之嘉賓用燕飲而相樂未至則勤求之已至則燕飲之是樂與賢也○成周大平持守之

時所用之人必先有德立政之書卷阿之詩皆曰用  
吉士此詩魚曰嘉則味之美瓠曰甘則可以養人鮪  
爲孝鳥皆喻吉士也○左太沖蜀都賦云嘉魚出於  
丙穴注云丙穴在漢中沔陽縣北有乳穴二所常以  
三月取之丙地名也山陰陸氏曰嘉魚鯉質鱣鱗肌  
肉甚美食乳泉出於丙穴穴口向丙故曰丙也如上  
所言則以嘉爲魚名然下文樛木非木名則嘉魚亦  
非魚名要之詩人以魚之嘉者瓠之甘者喻賢耳



南有嘉魚烝然汕汕

音汕○傳曰汕汕櫟也櫟音嘲韻作巢○箋曰今之櫟畧櫟音料又

音僚○李廵日以薄取魚也○李氏曰山陰陸氏云上籠之如罩下撿之如汕至誠之道也淮南子云罩者抑之罩者舉之爲之雖異得魚一也觀此則知詩人先言罩後言汕者以見其求賢無方也君子有酒

嘉賓式燕以衍

看之去○傳曰衍樂也

南有樛木

樛音鳩

甘瓠纍之

瓠音護纍音縲○詩記曰瓠有甘有苦甘瓠則可食者也

○今日纍纍繞也

君子有酒嘉賓式燕綏之

箋曰綏安也

興也南方有樛然下曲之木故瓠之甘而可食者得

上而纏綿之興成王屈已下賢則賢者得以上進固

結而不可解也。綏之謂燕飲以安之。醴酒不設而穆生去。蓋禮貌衰則不能安賢者之心也。

翩翩者騅

音追。○曰騅，鵠也。解見四牡。○傳曰：騅一宿之鳥。○箋曰：一宿者，一意於其所宿之木。

也。喻賢者有專一之意於我。

烝然來思

䟽曰：思語辭。

君子有酒嘉賓式燕

又思

今日思皆為語辭。

人君之於賢，始則多方勤求之，繼則禮貌以招延之。其後則賢者聞風自至，如翩翩然飛者是。孝鳥鵠鳩羣然而自來也。卷阿言吉士以有孝有德稱之，故此

詩以孝鳥喻賢也又思者燕而又燕見交際之款洽  
所謂至誠樂與也○或云思爲語助者上字協韻思  
慮之思者本字協韻來字與思字協韻然漢廣求思  
泳思方思皆語助其上字皆不協韻見以古人韻緩  
二詩皆語辭就以爲韻也

南有嘉魚四章章四句

南山有臺樂得賢也

樂音洛

得賢則能爲邦家立太平之

基矣

爲去聲○補傳曰樂與者樂與賢者相處也樂得者樂得賢者爲用也

賢者爲立治之本成王之樂樂以天下也

南山有臺

補傳曰南北指周地之南北也○陸璣曰臺莎草也○釋草曰臺夫須夫音符○今日以

莎草爲木則謂之簣莎爲草名簣爲木名莎草又可爲筵

北山有萊

傳曰萊草也○疏曰陸璣云萊

草名其葉可食今兗州人烝以爲茹謂之萊烝以上下類之皆指草木之名其義或當然矣○朱氏曰萊草名

葉者可食者

樂只君子

樂只音洛止○丘氏曰只辭也

邦家之基樂只君子

萬壽無期

今日無期言無窮也有期則有時而止

興也周地之南山則有臺北山則有萊喻周家得賢

之盛隨取隨有樂哉成王可以爲邦家之基本可以

得萬物之福而無期也

陳氏曰壽夭天也得賢何益於壽曰君子有四時朝夕晝

夜節宣其氣勿贏其體苟不近賢者則非鬼非食惑以喪志雖欲壽得乎

南山有桑

曹氏曰可蠶以爲衣

北山有楊

曰楊蒲柳可爲箭筈又可爲屋材解見秦車鄰

○曹氏曰可爲舟

樂只君子邦家之光樂只君子萬壽無疆

臺萊桑楊杞李栲栳枸榱多其名者喻賢之多而皆有用也得賢之盛則邦之榮懷而福壽名譽之所歸也

南山有杞

音起○陸璣曰杞一名狗骨山材也其樹如栲理白而滑可以爲函及檢板其子爲木蠹

可合樂○曹氏曰梓杞也○三杞考見四牡

北山有李

曹氏曰李可食

樂只君子民

之父母樂只君子德音不已

得賢則澤及於民而民親戴之稱頌之

南山有栲

音考○曰栲山栲也○可爲車輻解見唐山有栲

北山有杻

音組○曰杻榱也○可

爲弓弩輪解見唐山有

樂只君子遐不眉壽樂只君子德音是茂

箋曰茂盛也

遐不眉壽猶云不遐遠眉壽乎秀眉壽證也

南山有枸

音矩○傳曰枳枸也○疏曰釋木無文○陸璣曰枸樹高大似白楊有子著枝端大如指長

數寸嗽之甘美如飴八九月熟今官園種之謂之木蜜  
本從南方來其木能令酒薄若以爲屋柱一室之內酒

皆少也北山有楸音庾○釋木曰楸鼠梓○郭璞曰楸屬  
味也○陸璣曰其樹葉木理如楸山楸之

異者今人謂之苦楸是也○曹氏曰宮室之良材  
樂只君子遐不黃耆音荀○

黃髮也耆老也○疏曰舍  
人云老人髮白復黃也  
樂只君子保艾爾後艾音礙

○傳曰保安也艾養也○曹氏曰凡此皆可用之材成  
王能得之以爲用兼收並蓄巨細不遺國家賴之是以

基本堅固事業光華人民有所怙恃而治安彊盛名譽  
煥越福祿無窮不止於其身而且有所及子孫是可

也樂

疏引宋玉賦枳枸來巢以證毛說然風賦字作枳句

李善注橘踰淮爲枳句句曲也句音溝非毛義也

南山有臺五章章六句

由庚

今日李善注補亡詩云由從也庚道也言物並得從陰陽之道理而生也

萬物得由其

道也崇丘

今日李善注補亡詩云萬物生長於高丘者皆遂其性得極其高大也

萬物得

極其高大也由儀

今日儀謂用物以禮不暴殄也

萬物之生各得其宜

也有其義而亡其辭

箋曰此三篇者鄉飲酒燕禮亦用焉曰乃間歌魚麗笙由庚歌南有

嘉魚笙崇丘歌南山有臺笙由儀亦遭世亂而亡之燕禮又有升歌鹿鳴下管新宮新宮亦詩篇名也辭義亡皆無以知其篇第之處○釋文曰此三篇義與南陔等同依六月序由庚在南有嘉魚前崇丘在南山有臺前



今同在此者以其俱亡使相從耳○疏曰言間歌者堂上堂下遞歌不比篇而間取之笙者在笙之中吹簫魚麗武王詩也而與嘉魚間歌南陔等三篇亦武王詩也乃在堂下笙歌之是武王之詩得下管用之也

蓼蕭

蓼音六

澤及四海也

蓼蕭湛露彫弓皆天子燕饗諸侯之樂歌而其用有別湛露彫弓以顯允君子我有嘉賓稱諸侯之美則爲燕饗諸侯無疑也蓼蕭之詩以零露喻王澤以既見君子稱天子其下皆稱贊天子之辭若天子用之以燕諸侯不應自稱己之美而不稱諸侯之美蘇氏

謂人君以鹿鳴五詩燕其臣羣臣以天保答其歌於其燕也皆用之今以蓼蕭之詩亦諸侯答湛露彤弓之歌故本序不言燕諸侯而云澤及四海也諸侯以蕭草自喻君臣之辭也箋以爲四夷之長則拘矣

蓼彼蕭斯

傳曰蓼長大貌○曰蕭香蒿也莪也牛尾蒿也莪音秋

零露漙漙

滑須之上

○曹氏曰滑潤澤也

既見君子

箋曰君子天子也

我心寫兮

傳曰寫輸寫也○今日心

有憂則鬱而不泄如傾寫器中之物則舒快矣

燕笑語兮是以有譽處兮

處音杵○

錢氏曰譽名也處所處之位也

興也此爲諸侯歌之以答君故以微草自喻言蓼然  
長大者是彼蕭之微草天之零露滑然潤澤無微不  
被喻我諸侯來朝王者推恩以接之無所不及也蕭  
茂則受露多故以蓼言之也諸侯朝見天子輸寫其  
心謂傾蓋無留藏也天子與之燕飲而笑語接之以  
溫厚故下情喜悅稱贊天子云宜其有譽有處也有  
譽則得其名有處則保其位大榮大安也既見者幸  
辭也喜見之也○毛氏曰蕭蒿也釋草云蕭萩李巡

云萩一名蕭郭璞曰即蒿也如上所言則蕭即蒿也  
釋草又云蒿散蔚牡蒿郭璞云散今青蒿牡蒿無子  
者如上所言則蒿非蕭也山陰陸氏云蒿之類至多  
陸璣云蕭今人所謂萩蒿或謂之牛尾蒿似白蒿莖  
羸科生有香氣故祭祀以脂爇之爲香以此言之蒿  
者總名也曰蕭者蒿之香者也故取蕭祭脂疏以爲  
香蒿也凡諸蒿曰繁者白蒿也曰華者賴蒿也曰散  
者青蒿也曰蔚者牡蒿也馬薪蒿也曰莪者蘿蒿也

我蒿也蘆蒿也角蒿也又有邪蒿萋蒿之名見蒿之

類不一

設去  
月反

蓼彼蕭斯零露漙漙

音穰○傳曰  
漙漙露漙漙貌

既見君子爲龍爲光

傳曰龍  
寵也

其德不爽

傳曰與差也○詩記曰四海諸侯遠  
近小大覲踈亦不齊矣而王者德施

之普各稱其分莫不滿  
足所謂其德不爽也

壽考不忘

諸侯既見天子而燕飲則爲恩寵爲光耀榮其待遇  
也於是稱天子之德無有差爽謂待諸侯以禮也願  
其壽考而不忘於人謂常愛戴之也

蓼彼蕭斯零露漙漙

上聲○傳曰泥泥漙漙也

既見君子孔燕豈弟

豈音愷○箋曰孔甚也○傳曰豈樂弟易也

宜兄宜弟

詩記曰兄弟自同姓諸侯親者言之四海

諸侯莫不令德壽豈

在其中矣

孔燕猶言盛燕謂其禮甚設也盛燕而又豈樂弟易

情文俱至也於是稱天子能宜其兄弟之國與之親

睦有令善之德壽而且樂也舉同姓之國者以親該

踈也

蓼彼蕭斯零露漙漙

音農又如字○傳曰漙漙厚貌

既見君子儔革中

沖

降音條沖音蟲○傳曰降轡也革轡首也沖沖垂飾貌○疏曰轡鞮也馬轡所鞮之外有餘而垂者謂之

革條皮爲之故

和鸞雖雖

今日和鸞皆鈴也毛以爲和在轡鸞在轡鄭以爲戊中鸞

在轡乘車鸞在衡○詩記曰後漢志注云于甯周禮注和鸞皆以金爲鈴馬動則鸞鳴鸞鳴則和應舒則不鳴逆則失音故詩云和鸞雖雖言得其和也

萬福攸同

今日諸侯同受福賜也

天子賜諸侯以車馬其條革沖沖然垂飾其和鸞之聲雖雖然和諸侯受福均也采菽言萬福攸同瞻彼洛矣言福祿既同與此一也

蓼蕭四章章六句

湛露

湛直減反

天子燕諸侯也

朱氏曰文四年左傳賓武子云昔諸侯朝正於王王宴樂

之於是乎

賦湛露

湛湛露斯

傳曰湛湛露茂盛貌

匪陽不晞

音希○傳曰陽日也晞乾也

厭厭夜

飲

厭音淹○傳曰夜飲私燕也宗子將有事則族人皆侍不醉而出是不親也醉而不出是深宗也○箋曰

天子燕諸侯之禮亡此假宗子與族人燕爲說耳燕飲之禮宵則兩階及庭門皆設大燭焉○疏曰主法自當留賓賓則可以辭主諸侯皆當辭出但主得其辭

不醉

無歸

興也湛湛然茂盛之露非見朝陽則不乾夜飲厭厭



然厭足非至醉不歸○左傳無厭將及我姜氏何厭之有皆謂飽足厭厭夜飲爲以漸至醉浸漬厭足之意毛以爲安孔釋以爲閑蘇以爲久其意一也

湛湛露斯在彼豐草

傳曰豐茂也

厭厭夜飲在宗載考

傳曰夜飲

必於宗室○朱氏曰宗室蓋路寢之屬也○箋曰載之言則也考成也

草茂則得露多喻夜飲在路寢而成禮受恩優渥也

○燕禮云膳宰具官饌于寢東注云寢路寢也當從

朱氏

湛湛露斯在彼杞棘

疏曰杞棘之木

顯允君子

朱氏曰君子指諸侯爲賓者也

莫不令德

杞棘得露雖厚而枝不低垂喻顯明允信之君子飲酒雖多而德將無醉也

其桐其椅

音伊解見定之方中

其實離離

傳曰離離垂也歐陽氏曰喻諸侯在燕有威儀

耳

豈弟君子莫不令儀

桐椅柔木而實離離喻君子飲酒之時有令儀也

湛露四章章四句

彤弓

同形音

天子錫有功諸侯也

朱氏曰此天子燕有功諸侯而錫以弓矢之樂

歌也○書文侯之命彤弓一彤矢百盧弓一盧矢百○  
僖二十八年左傳晉文公敗楚於城濮獻功於王王饗  
醴命晉侯侑賜彤弓一彤矢百旅弓矢千旅音盧○文  
四年衛甯武子曰諸侯敵王所愾而獻其功王於是乎  
賜之彤弓一彤矢百旅弓矢千以覺報宴注覺明也以  
明報功宴樂○既曰甯武子所言及晉文侯文公所受  
皆并有旅弓此詩獨言彤弓者以二文皆先彤後旅弓  
少旅多舉重可以包輕故直言彤弓也有弓則有矢言  
弓則矢可知故亦不言矢也○陳氏曰春秋所載皆謂  
諸侯有功則王賜之弓矢以旌伐功而已未嘗謂既賜  
然後得專征也王制言賜弓矢然後征蓋言天子命諸  
侯征伐故賜弓矢以將王靈耳安得有專征之言乎鄭  
氏遽謂賜弓矢然後得專征伐由漢而下有無君之心  
者徵求弓矢之賜脅諸侯而肆其姦者紛然蓋成康啟

之也○詩記曰所謂專征伐者如四夷入邊臣子簪絃不容待報者其他則九伐之法乃大司馬所職非諸侯所專也與後世疆臣拜表輒行者異矣

彤弓 彤弓

彤音超○疏曰彤赤也爲弓者皆漆之以禦

者爲黑也色以赤者周之所尚故賜弓赤一而黑十以赤爲重耳其體同異未聞○傳曰彤弛貌

受言

藏之

李氏曰言語辭也○箋曰說出藏之

我有嘉賓中心貺之

傳曰貺賜也

鐘

鼓既設一朝饗之

箋曰一朝早朝也大飲賓曰饗飲音陰○疏曰饗者烹大牢以飲賓是禮

之大者周語云王饗有體薦燕有折俎公當饗卿當燕是其禮盛也言一朝者言王殷勤於賓早朝而即行禮燕或至夜饗則如其獻數成禮而罷故云一朝元

年左傳云鄭饗趙孟禮終乃燕是饗不終日也

天子以彤弓賜有功諸侯昭然而弛賜弓不張也令諸侯受藏之示珍重之意也又稱此受賜諸侯爲嘉賓言吾中心至誠貺賜之故陳鐘鼓之樂一朝設饗禮而畀之饗禮用早朝也彤弓非常賜也鐘鼓大樂也饗盛禮也設盛所以重彤弓之賜也

彤弓昭兮受言載之

傳曰載以歸也○箋曰出載之車也

我有嘉賓中心

喜之鐘鼓既設一朝右之

右助也右與宥侑通皆助也莊十八年左傳云王饗

醴命之宥注以幣物助歡也僖二十五年二十八年  
皆云饗醴命宥是饗禮必有賜以爲宥而彤弓則宥  
之大者也

彤弓弔兮受言橐之

橐音高○傳曰橐韜也韜音  
叨本又作攷釋文云弓衣也

我有

嘉賓中心好之

好去聲

鐘鼓既設一朝醕之

醕音讎○傳  
曰醕報也

疏曰王肅  
云報功也

鄭以醕爲獻醕但酬酢是燕禮其饗禮爲訓共儉爵  
盈而不飲未必有醕酢也

彤弓三章章六句

菁菁者莪

菁音精

樂育材也

樂音洛

君子能長育人才

長音掌

則天下喜樂之矣

陳氏曰小雅之詩皆因某事而歌某詩菁菁者莪之詩宜何歌乎余以謂

天子行禮於學校而宴飲之時則歌此詩焉

樂與賢樂得賢樂育材三詩一體皆言以樂樂之育材於學校而燕飲作樂歌此詩焉是樂育材也以君心之樂感人心之樂義理之樂同也詩皆述天下之喜樂而人君樂育之意自見矣

菁菁者莪

傳曰菁菁盛貌○曰莪莪蒿也解見蓼莪

在彼中阿

傳曰中阿阿中也大陵曰

阿

既見君子樂且有儀

興也我蒿雖微物美而可食故以喻人材言菁菁然茂盛之我蒿由生於阿中得阿之長養而然喻君子能長育人材無微不遂也既見此能育材之君子則不喜樂而有威儀樂見良心之興起有儀見善教之作成○說者多以樂且有儀指君子非也既見者幸辭也喜見之也今考詩中既見君子重言二十有二



見於九詩汝墳風雨唐揚之水車鄰出車蓼蕭頌弁  
隰桑及本詩或妻見其夫或國人見賢者或臣見其  
君凡既見君子之下其接句皆述喜之之情謂見君  
子者喜非所見者喜也若以樂且有儀爲君子則既  
見二字無所歸下云我心則喜樂即喜也

菁菁者我在彼中沚

音止○傳曰中沚沚中也○小渚曰沚解見宋縈

既見君

子我心則喜

菁菁者我在彼中陵

傳曰中陵陵中也

既見君子錫我百朋

箋曰

錫賜也古者貨貝五貝爲朋○疏曰言古者實此貝爲貨也五貝者漢書食貨志以爲大貝牡貝文貝小貝不成貝爲五也言爲朋者謂小貝以上四種各二貝爲朋而不成者不爲朋鄭因經廣解之言有五種之貝其中以相與爲朋非總五貝爲一朋也

賜我百朋言人材既成則厚其祿而用之

汎汎揚舟載沈載浮

朱氏曰載則也

既見君子我心則休

箋曰休者

休休然○今曰休休樂也

興也揚舟汎汎然於水中無所維繫或沈或浮未可知也猶人材汎汎然於天下無所依歸或成或壞亦

未定也。今見此君子能長育之，則人材皆可以成就。故我心休休然安樂也。○舊說沈物亦載，浮物亦載。韓退之亦從之。且詩中載馳載驅，載笑載言，載饑載渴，載清載濁，載飛載止。凡言載皆則也。獨以此爲載物於舟非也。

菁菁者莪四章章四句

六月

譜曰：小雅六月大雅民勞之後，皆謂之變雅。美惡各以其時正之次也。○釋文曰：從六月至無羊十

四篇是宣王之變。小雅從節南山至何草不黃四十四篇，前儒申公、毛公皆以爲幽王之變。小雅從民勞至桑

柔五篇是厲王之變大雅從雲漢至常武六篇是宣王之變大雅瞻卬及召旻二篇是幽王之變大雅

宣

王北伐也鹿鳴廢則和樂缺矣四牡廢則君臣缺矣皇  
皇者華廢則忠信缺矣常棣廢則兄弟缺矣伐木廢則  
朋友缺矣天保廢則福祿缺矣采薇廢則征伐缺矣出  
車廢則功力缺矣杕杜廢則師衆缺矣魚麗廢則法度  
缺矣南陔廢則孝友缺矣白華廢則廉恥缺矣華黍廢  
則蓄積缺矣由庚廢則陰陽失其道理矣

疏曰由庚以下不言缺者

因文起義明與上詩別文武俱言缺周公成王變文焉

南有嘉魚廢則賢者不安

下不得其所矣由丘廢則萬物不遂矣南山有臺廢則

爲國之基隊矣

隊隆音義同

由儀廢則萬物失其道理矣蓼

蕭廢則恩澤乖矣湛露廢則萬國離矣彤弓廢則諸夏

衰矣菁菁者莪廢則無禮儀矣小雅盡廢則四夷交侵

中國微矣

李氏曰由庚之詩本在於南山有臺之下今乃列於南有嘉魚南山有臺之前而不依於

序者夫詩之見存者其先後不可必其次第如常棣乃周公之詩而列於伐木之後已不可得而知況其亡者又安得而知之乎姑闕之可也○朱氏曰成康既沒文武之政侵尋弛壞至于夷厲而小雅盡廢矣蓋其人亡其政息雖鐘鼓管絃之聲未衰然其實不舉則無所施之所謂廢也宣王中興內脩政事外攘夷狄北伐南征以

復文武之竟土故序詩者詳記其所由廢興者如此以發其端而雅之於經者於是變矣

四夷交侵由於小雅盡廢則宣王征伐必內脩以爲之本矣

六月棲棲

音西○箋曰盛夏出兵明其急也○朱氏曰六月建未也司馬法冬夏不興師○李氏曰

棲棲不安也○今曰詩經月皆夏正論語丘何爲是棲棲者注云棲棲猶皇皇也○黃氏曰人知其上之出於不得已雖六月而人不以爲暴蓋以爲其所以勞我者乃所以安我也

戎車既飭

音勅○箋曰戎

車革輅之等也其等有五○疏曰春官巾車掌王之五路革路以即戎故知戎車革路之等也春官車僕掌戎路之革廣車之革闕車之革革車之革輕車之革注云革猶副也此五者皆兵車所設五戎也戎路王在軍所

乘廣車橫陳之車闕車所用補闕之車也革車所對敵  
自蔽隱之車也輕車所用馳敵致師之車也是其等有  
五也吉甫用所乘兵車亦革路在軍所乘與王同但不  
知備五戎以否革音倖廣光之去革薄經反輕去聲○  
既曰飭四牡駢駢音葵○桑柔傳曰駢載是常服箋曰

之常服韋  
弁服也

玁狁孔熾

音熾○熾盛也

我是用急王于出征

箋曰

千曰也○李氏曰左傳無日不討國人而訓之于民以  
生之不易杜元凱以于爲日○既曰毛以爲王自征以

匡王國

箋曰匡  
正也

吉甫受命北征以建未盛夏之月棲棲然不遑安其  
戎車既皆飭正矣四牡又駢駢然不息乃載是兵事

之常服謂韋弁服也韋弁服臨戰乃服未戰在道時  
載之於車也盛夏不可以出師所以六月行者以玃  
狁來侵其勢甚熾盛我是用急討之而不敢緩也王  
命吉甫曰今女出征玃狁以正王國謂攘夷狄以安  
社稷也汝其勉之此詩作於成功之後而述其受命  
之始也

比物四驪

比音備○釋文曰比齊同也○疏曰夏官校人云凡大祭祀朝覲會同毛馬而頒之凡軍

事物馬而頒之注云毛馬齊其色物馬齊其力比物者比同力之物戎事齊力尚彊不取同色而言四驪者雖



以齊力爲主亦不厭其同色也故曰駟駟彭彭又曰乘其駟駟田獵齊足而曰四黃既駕是皆同色也無同色乃取異毛耳駟駟是中駟駟是駟是也校音效

閑之維則

傳曰則法也

維此六月既

成我服

箋曰戎服也

我服既成于三十里

傳曰師行三十里

王于出

征以佐天子

此同其物擇馬力之齊者乃四驪純黑之馬此馬先已閑習之皆合法則矣維此六月之時既成我戎服即日遂行日行三十里王曰今汝出征以佐天子一人所倚賴汝其勉之

四牡脩廣

傳曰脩長也廣大也

其大有顛

魚容反○說文曰顛大頭也○曹氏曰脩以言

其身之長廣以言其腹背之充顛以言其首之大三者相稱所以成其大也

薄伐玁狁以奏

膚公

錢氏曰奏猶上也○今日書敷奏以言敷同日奏周功○傳曰膚大也公功也

有嚴有翼

傳曰嚴威嚴也翼敬也

共武之服

共音恭○箋曰共典也服事也

共武之服以定

王國

四牡身長而腹背廣其首顛然而大見軍容之盛武備素脩以此伐玁狁而奏其大功也師之羣帥有威嚴者有翼敬者以典是武事故能制勝而安定王國

也

范氏曰凡兵事莫尚於嚴莫先於敬

猥狁匪茹

箋曰茹度也

整居焦穫

音護○箋曰整齊也○傳曰焦穫周地接于猥狁者

○郭璞曰今扶風池陽縣瓠中是也

侵鎬及方

鎬蒙之上濁○箋曰鎬也方也皆北方地名○疏曰

劉向疏云來歸自鎬我行永久千里之鎬猶以爲遠鎬去京師千里顏師古云非豐鎬之鎬

至于涇

陽

疏曰水北曰陽涇解見邶谷風

織文鳥章

織音志又音餽○傳曰鳥章錯革鳥爲章也○釋文

曰錯革鳥曰旗○疏曰史記漢書之幟與織字雖異音實同錯置也革急也畫急疾之鳥也○今日檀弓夫子

之病革矣革音棘

白旆央央

如字又音英○傳曰白旆纒旆者也央央鮮明貌○曹氏曰白帛也

白旆以絳帛爲旆也以帛纒旆末爲燕尾戰則旆之○疏曰白旆謂絳帛九旗之物皆用絳此旆而言旆者散

則通

元戎十乘

去聲○傳曰元大也夏后氏曰鈞車先正也殷曰寅車先疾也周曰元戎先良

也○疏曰司馬法丈也周禮革路無鈞此特設鈞故以

名車也此車備設鈞繫其行曲直有正故曰先正也寅

進也此車能進取遠道故云以先啓行音航○王氏曰

先疾也元戎言大車之善者以先啓行軍前曰啓後曰

殿元戎十乘以先軍行之前者所謂選鋒也兵法兵無

選鋒曰北○詩記曰韓嬰章句云大戎者車縵輪馬被

甲衡軛之上盡有劍戟名曰陷陣之車

所以冒突先啟敵家之行伍也縵音謾

此數狄之罪言獫狁不自揆度乃敢深入吾地整齊

而居我焦獲之地閒暇自如無所畏憚也又侵我北

方之鎬與方遂侵至於涇水之北涇北去周近矣賊

烽之熾如此我於是建旌旗選鋒銳而攘之旗幟之  
文有隼之章指旗也又以絳帛爲旂央央然鮮明又  
有大車謂之元戎以十乘在前先啓敵之行陣也

戎車既安如輕如軒

輕音至○朱氏曰輕車之覆而前也軒車之却而後也○詩記曰馬

援疏云居前不能令人輕居後不能令人軒注言爲人無所輕重也

四牡既佶

其乙反○繫曰佶壯

健之貌

既佶且閑

疏曰閑習也

薄伐玁狁至于大原

大音泰○傳曰言逐

出之而已○朱氏曰大原地名亦曰大鹵今在大原陽曲

文武吉甫

王氏曰非文無以附衆非武無

以勝敵

萬邦爲憲

兵車既安正矣從後視之如輕覆而前從前視之如  
軒却而後言車之良也四牡既佶然壯健且復閑習  
言馬之良也以此伐獫狁至于大原之地驅之出境  
不窮追也尹吉甫時爲大將於是美之曰有文有武  
之吉甫乃萬邦以之爲法辦一獫狁餘事耳

吉甫燕喜既多受祉

音耻○傳曰祉福也○  
今日即王之賞賜也

來歸自鎬

錢氏曰鎬獫狁所侵之地非鎬京之鎬也○  
氏曰吉甫既至大原復往鎬慰撫其民然後歸

我行永

久飲御諸友

飲音蔭○傳  
曰御進也

包鼈膾鯉

魚音庖字亦作鮑  
膾音鄒韻亦作鮓

○今曰釋文云合毛炙物曰魚楚詞招魂膾鼈炮羔膾  
煮也鼈可煮不可魚今云魚鼈謂火熟之耳或古不同  
枚乘七發云鮮鯉之膾膾音  
而○說文曰膾細切肉也

侯誰在矣

傳曰侯  
維也

張仲孝

友

李廵曰張姓仲字○傳曰  
善父母爲孝善兄弟爲友

吉甫既伐玁狁而歸王與之燕而喜樂又多受賞賜  
王所以燕之者以其來歸自北方之鎬其地遙遠我  
吉甫之行日月長久故飲之酒而進其同志諸友與  
俱飲以盡其歡其珍美之饌則以火熟其鼈又以鯉  
細切而膾之其吉甫諸友之中維誰在矣有張姓仲

字其性孝友者在焉○孝友者德之本卷阿言吉士  
曰有孝有德宣王之時朝多賢臣張仲獨以孝友稱  
則必盛德之士也北伐之功繫夷夏盛衰詩人美其  
功而結以張仲孝友之辭蓋有深意存焉豈非養君  
德者有其人乃攘夷復境之本歟美宣王北伐而以  
吉甫燕喜終之始終之辭也前日盛暑出師棲棲不  
遑所以有今日之燕喜也凱還飲至見宣王之成功  
也

范氏曰宣王使吉甫征伐而與張仲居朝所以輔其德也苟無孝友忠信之臣養君之心則雖征伐



有功於外而不善之政將出於內朝廷心腹也戎夷  
四支也故孝友之臣日納王於善而敦厚之然後戎  
狄可攘而外患可除矣○王氏曰吉甫爲將於外而  
內無忠順之臣與之同志者輔王耳目而迎其心則  
妨功害能之人至矣妨功害能之人至則  
若吉甫者其身之不閱何暇議勝敵哉

## 六月六章章六句

采芑

起音

宣王南征也

疏曰上言伐此云征便辭耳無義例也○陳氏曰南征北伐二詩皆

繫班師時作六月之辭迫采芑之辭  
緩六月似討而定采芑似畏而服也

薄言采芑

程子曰薄言發語辭○茅苴傳曰采取也○  
今日芑嘉穀也解見生民○李氏曰毛以薄

言采芑爲菜豐水有芑爲草維糜維芑爲穀王氏皆以  
爲穀○補傳曰新田舊畝中鄉不應指菜蓋以田畝善

養嘉穀喻周家善養士卒也大雅云豐水有芑詩人於文武士皆以芑爲喻也

于彼新田

釋地曰田

二歲曰新田○孫炎曰新成柔田也

于此菑畝

菑音緇○釋地曰田一歲曰菑○孫炎曰始災殺其

草木也○疏曰臣工及易注皆同唯坊記注云二歲田曰畝三歲曰新田當是傳寫誤也

方叔泣止

泣音利○傳曰泣臨也

其車三千師干之試

長樂劉氏曰師衆也干盾也○程子曰師

干猶今云兵甲也試肄習也○今日講武試其可用

方叔率止乘其四騏

解見四

騏翼翼

錢氏曰翼翼整肅貌

路車有奭

興之入字亦作奭○蘇氏曰路車金路也以有奭言

赤又巾車鉤樊纓今有鈎有膺知其爲金路○箋曰奭赤貌○今日召康公之名音釋與此音異

簟茀

魚服

茀音弗○簟茀解見齊載驅魚服解見采薇

鈎膺鞶革

鞶音條○疏曰春官巾車注云

鈎妻領之鈎也金路無錫有鈎亦以金爲之是鈎用金在領之飾也膺樊纓也在膺之飾惟有樊纓樊讀如繫帶之繫謂今馬大帶纓今馬鞅金路其樊及纓以五采蜀飾之而九成巾車云金路鈎樊纓九就同姓以封或方叔爲同姓也方叔元老五官之長是上公也上公雖非同姓或有得乘金路矣蜀音計○崧高疏曰膺是馬之臂前鈎是器物以鈎類之謂膺上有飾○條革解見蓼蕭

興也厲王之亂天下蕩蕩如荒榛之地宣王經理弊壞之天下如耕墾荒榛之地以爲田故言取芑穀者於何處乎於彼二歲之新田於此一歲之舊畝皆新墾之地也喻宣王取民爲兵隨其所取皆新撫之民

也既用民爲兵乃命方叔爲將而臨之其車有三千乘侈言兵車之盛也天子六軍不過千乘不必實有三千乘也師衆千盾皆閱試之知其可用於是方叔乃率其士卒而行以南征蠻荆自乘四騏之馬其馬翼翼然其整肅所駕路車之飾奩然而赤蓋金路也不乘革路者以革路臨戰所乘此時受命以未至戰時也其金路之車以竹簾爲蔽第其車所載有魚獸之皮以爲矢服其馬有婁領之金鈎其馬臂膺有樊

與纓之飾謂之膺又以絛皮爲轡首而垂之○兵車  
一乘甲士三人步卒七十二人又二十五人將重車  
在後三千乘則甲士九千步卒二十一萬六千將重  
車七萬五千人通三十萬人矣天子六軍出於六鄉  
萬二千五百人爲軍六軍止七萬五千人無三千乘  
之數孔氏謂羨卒盡起王氏謂合諸侯之師要之詩  
人之辭不可泥名數以求之其車三千極言其兵車  
之盛耳況兵有先聲後實項羽兵四萬號百萬豈一

一如其數哉朱氏謂孔氏王氏以文害辭其說是也

薄言采芑于彼新田于此中鄉

蘇氏曰中鄉民居在焉故其田无治

方叔

泣止其車三千旂旐央央

解見出車

方叔率止約軼錯衡

音軼

祁○傳曰軼長轂之軼也朱而約之○踰曰說文云軼長轂也轂則謂之軼兵車乘車其轂長於田車是爲長

轂也言朱而約之謂以朱色纏束車轂以爲飾蓋以皮纏之而上加以朱漆也考工記輪人云容轂必直陳蒙

必正注云容者治轂爲之形容也蒙轂約也錯離也離物在衡是有丈飾八鸞瑯瑯

音踰韻亦作鏘

○朱氏曰鈴在鑣曰鸞馬口兩旁各一四馬故八也○傳曰瑯瑯聲也服其命服朱芾斯

皇

芾音弗○傳曰黃朱芾也皇猶煌煌也○斯干箋曰天子純朱諸侯黃朱○斯干踰曰芾從裳色祭時服

煙裳故芾用朱赤朱深於赤對文則朱赤深淺散則皆謂之朱芾也○赤芾詳解見曹候人 有瑒葱

珩

音衡○傳曰瑒珩聲也葱蒼也三命皆葱珩○疏曰三命至九命皆葱珩非謂方叔唯三命也

軍行建其旂旒央央然鮮明方叔率士卒而行乃乘金車以皮纏約其軹轂有錯雜文采之衡也車行則八鸞瑒瑒然有聲也其身服其受王命之服有黃朱之芾皇然鮮明也又有蒼玉之珩其聲瑒然也方叔嘗伐獫狁威名素著又貴謀賤戰以王師臨小醜故雍容閒暇如此也

曹氏曰芾與佩皆非軍中之服路以金路則非戎路馬有和鸞則非

戎馬所以然者蓋方叔克壯其猶如吳起將戰不帶  
劍諸葛武侯臨陣不親戎服羊祜輕裘緩帶而盛著  
威名杜預身不跨馬而自能制  
勝故詩人詠其車服之美而已

駘彼飛隼

駘音隼隼音荀○晨風傳曰駘疾飛貌○曰  
隼鵠也鵠屬也○箋曰急疾之鳥也○釋鳥

曰鷹隼醜其飛也○翬○舍人曰謂隼鵠之屬翬翬其飛  
疾羽聲也○山陰陸氏曰鵠屬也今鷹之搏噬不能無  
失獨隼爲有準或曰  
即今所呼爲鵠者 其飛戾天 傳曰戾  
至也 亦集爰止方叔

泣止其車三千師干之試方叔率止鉦人伐鼓

○鉦音征  
疏曰

周禮有錡鉦鐸無鉦也說文云鉦鉦也似鈴柄中上下  
通然則鉦即鉦也說文又云錡鉦也鉦也則鉦錡相類  
俱得以鉦名之故鼓人注云錡鉦也形如小鐘是錡亦  
名鉦也錡似小鐘鉦似鈴是有大小之異耳凡軍進退



皆鼓動鉦止非臨陣獨然此文在陳師鞠旅之上是未  
戰時事也鐻音濁鏡音鏡○董氏曰周官云鳴鐻且却  
聞鉦而止則鉦鏡二物也但司馬有鐻鐸鉦而不言鉦  
故前世疑之崔靈思集註謂征人伐鼓則勇於戰也今  
詩謂陳師鞠旅則未戰矣安待鉦人爲擊鼓使進哉就  
如此則亦亂於軍制矣○箋曰鉦也鼓也各有入焉互  
言之

### 陳師鞠旅

鞠音菊○傳曰鞠告也○箋曰二千五  
百人爲師五百人爲旅師旅互言之

### 顯允方叔伐鼓淵淵

王氏曰淵淵深也師衆  
則鼓遠鼓遠則聲深

### 振旅闐闐

音田○疏曰古者春教振旅秋教治兵以戎是大事又  
三年一教隱五年左傳云三年而治兵入而振旅是征  
伐之時出軍至對陳用治兵禮戰止至還歸用振旅法  
名異而禮同也釋文云出而治兵尚威武也入而振旅  
反尊卑也孫炎云出則幼賤在前貴勇力也入則尊老  
在前復常法也長幼出入先後不同而云禮一者坐作

進退如一也○今日聞聞  
衆盛也猶今人言駢聞也

駢然而疾飛者彼隼鷃也其飛能高至天亦集於所  
止之地喻武勇之士能深入敵陣者皆集於此矣於  
是鉦人則鳴鉦以靜之鼓人則擊鼓以動之言士聽  
節制也鉦人伐鼓互言之也又陳布其師鞠告其旅  
誓衆而告之以賞罰使用命也此顯明允信之方叔  
既以誓衆於是進師其伐鼓之聲淵淵然深也方誓  
師伐鼓以往即言振旅蓋蠻夷望風畏服不待戰也

全師而歸故闐闐然衆盛也○陸璣說隼云齊人謂之擊征又謂之題肩或謂之雀鷹春化爲布穀者璣說鴈鳩亦云如此則隼即鴈鳩矣然說鴈鳩不言是隼說隼不言是鴈鳩蓋誤矣隼非鴈鳩也

蠹爾蠻荆

傳曰蠹動也蠻荆荆州之蠻也○程子曰蠹者動而無知之貌

大邦爲讎

朱氏

曰大邦猶言中國也

方叔元老

傳曰元大也

克壯其猶

箋曰猶謀也

方叔率

止執訊獲醜

訊音信○解見出車

戎車嘽嘽

音灘○朱氏曰嘽嘽衆盛也○嘽嘽有考

見崧高

嘽嘽焞焞

音推挽之推又他屯反○傳曰焞焞盛也

如霆如雷

釋天曰疾雷爲

靈○郭璞曰雷之  
急疾者謂之霹靂

顯允方叔征伐獫狁蠻荆來威

蠢動無知者荊州之蠻乃與中國爲怨讎方叔爲國  
大老能壯其謀不以力勝乃率其士衆執訊獲醜獻  
功而歸訊謂魁首之可問者醜謂徒黨之降服者其  
兵車嘽嘽然衆焞焞然盛其威如迅擊之霆如發聲  
之雷言却敵師還而不困憊也顯明允信之方叔嘗  
與吉甫同伐獫狁威名已著是以蠻荆聞其名而皆  
來畏服也出車不戰亦言執訊獲醜此詩亦不戰而

言之也○或以克壯其猶爲勇決之意今考方叔南  
征服其命服有璫蔥珩其從容閒暇如此卒使蠻荆  
聞風畏服不戰而屈之非取其老而勇決若矍鑠翁  
之爲也易大壯注壯者威盛彊猛之名詩人之意正  
謂少年輕俊之人往往以勇力求勝未能深謀遠慮  
唯方叔老成故能尚謀不尚戰以謀爲壯不以力爲  
壯也六月之詩事勢急迫采芑之詩辭氣雍容蓋北  
伐則四夷交侵初用兵也南征則北方已服中國麤

定方叔乘北伐之威以臨蠻荆也下篇車攻則中興之功成矣

采芑四章章十二句

車攻宣王復古也宣王能內脩政事外攘夷狄復文武

之竟土

竟音境

脩車馬備器械復

扶又反

會諸侯於東都

箋曰

東都王城也

因田獵而選車徒焉

選上聲○朱氏曰此詩所賦自脩車馬備器械以下

其脩政事攘夷狄則前乎此矣東都洛邑也周公營之而成王會諸侯焉

我車既攻

傳曰攻堅也

我馬既同

傳曰同齊也宗廟齊毫尚純也戎事齊力尚彊也田

獵齊足尚疾也

四牡龐龐

音聲○傳曰龐龐充實也

駕言徂東

傳曰東洛邑也

宣王中興爲東都之會詩人喜於復見威儀之盛故鋪張揚厲以見喜談樂道之意上三章皆言脩車馬備器械之事我宣王之車既堅緻矣馬既齊力矣四牡皆龐龐而充實將駕之以往東都也言初發車徒而往東都未言所爲之事也

田車既好

疏曰田車獵之車

四牡孔阜

程子曰阜肥壯也

東有甫草

傳曰

甫大也○疏曰廣大之草可以田獵

駕言行狩

此章乃言所爲之事謂田車既好四牡肥壯所以往東者以東有廣大之草今駕車以往將以田獵也猶未言所獵之地也○此行以會同爲主因講田獵耳詩先言行狩者序事當自內始故先言田獵車馬器械之備而後往行狩其實先會同而後田獵也鄭破甫作圖音補云鄭有圃田今不從下章言獵于敖地不應又言圃田也

傳曰田者大艾草以爲防或舍其中  
中禍纏旃以爲門裘纏質以爲櫟

間容握驅而入擊則不得入左者之左右者之右然  
後焚而射焉天子發然後諸侯發諸侯發然後大夫



士發天子發抗大綏諸侯發抗小綏獻禽於其下故戰不出頃田不出防不逐奔走古之道也艾音刈攬音闌綏而佳反○疏曰大艾殺野草以爲防限作田獵之場殺圍之處未田之前誓士戒衆在其間止舍也其防設周衛而立門以織毛褐布纏通帛旗之竿以爲門之兩傍其門蓋南開並爲二門用四旃四褐也又以裘纏樅質以爲門中之闌闌車軌之裏兩邊約車輪者也門之廣狹兩軸頭去旃竿之間各容一握握人四指爲四寸是門廣於軸八寸也馳走而入門不得徐也其軸頭擊着門傍竿則不得入以罰不工也以天子六軍分爲左右雖同舍防內令三軍各在一方其屬左者之左門右者之右門不得越離部伍教戰既畢士卒出門乃驅禽納之於防然後焚此防葦而射之焚所焚之葦也發發矢射之也舉綏爲表因獻其禽於其下也戰場有頃數戰者不出其頃界田不出所焚之防奔走謂出於頃防樅音斟

之子于苗

傳曰之子有司也夏獵曰苗○疏曰時宣王爲夏苗

選徒蹕蹕

音邀○傳曰選

數也蹕蹕聲也

建旄設旄

旄解見出車旄解見廊干旄

搏獸于敖

搏音博○箋曰敖鄭

地今近滎陽○詩記曰敖山名晉師救鄭在敖鄭之間士季設七覆于敖前則敖山之下平曠可以屯兵翳薈可以設伏所謂東有甫草即此地也鄭音敲

此章乃言所獵之地言有司將往夏獵故先選數車

徒無或謹譁唯數者蹕蹕有聲見其靜治也於是建

旄於車而設旄於旄之首以此車乘之而往將搏取

禽獸於鄭之敖即甫草之處也

詩記曰宣王之往東都以會諸侯爲主因

田獵以選車徒而二章三章先言田獵者  
蓋有司先爲戒其以待會同畢而田獵也

駕彼四牡四牡奕奕

今曰奕奕大也

赤芾金舄

芾音弗舄音昔○傳曰諸侯赤

芾金舄舄達屨也○赤芾詳解見候人朱芾解見采芑  
○箋曰金舄黃朱色也○疏曰天官屨人注云舄有三

等赤舄爲上冕服之舄下有白舄黑舄此云金舄者即  
禮之赤舄也故箋云金舄黃朱色加金爲飾赤舄則尊  
莫是過故云達屨言是屨之最上達  
者也屨人兼掌屨舄是屨爲通名也會同有繹傳曰時

殷見曰同○疏曰時見者無常期王將有征伐之事則  
合諸侯而命事焉殷衆也十二歲王如不巡守則六服  
盡朝○長樂劉氏  
曰絡繹不絕也

上三章皆言脩車馬備器械此章言會諸侯首章以

我斥宣王此章以彼指諸侯諸侯駕彼四牡而來其  
馬奕奕然大朝見於王服赤色之芾及金飾之舄其  
來會同者非一絡繹不絕可謂盛矣喜見中興之威  
儀也○此奕奕字毛鄭不解孔氏以爲閒習朱氏以  
爲連絡布散之意然奕本訓大毛於奕奕寢廟奕奕

梁山皆訓大則此亦當爲大

曹氏曰夫自夷厲以後諸侯不朝天子久矣今

宣王能先自治而脩政事禦外侮而攘夷狄諸侯恒  
咸畏德復來朝會而其儀物之盛等威之嚴如此故  
詩人美之猶後世所謂不意  
今日復見漢官威儀云耳

決拾既欽

音次○傳曰決鉤弦也拾遂也欽利也○䟽曰決著於右手大指所以鉤弦間體遂著於

左臂所以遂弦夏官繕人注挾天子用象骨拾講扞也著於左臂裏以韋爲之決繕人作挾○長樂劉氏曰決

調護大指以鉤弦拾謂護左臂以利弦者也○今日決即衛元蘭所謂佩韞也韞音攝

弓矢既調

箋曰調謂弓彊弱與矢輕重相得○䟽曰通也

射夫既同助我舉柴

音恣○傳曰柴積也

上三章言脩車馬備器械將以行獵實未田獵四章

言既會諸侯此章乃言田獵也田獵之時有鉤弦之

決著於右手之大指有遂弦之拾著於左臂決之與

拾與手指相利矣弓之彊弱又與矢之輕重相得而

調達矣射夫諸侯以下既同力故獲多宣王將舉積禽以爲乾豆賓客之用而得諸侯射獲以助之也

四黃既駕兩騂不倚

音倚又音緇○王  
氏曰倚不正也

不失其馳舍矢

如破

舍音捨○箋曰矢發  
則中如椎破物也

四黃之馬既駕而乘之兩騂之馬又不偏倚言御之

良也御者能正其馬不失其馳驅之法而射夫矢發

則中如破物然言射之良也

蘇氏曰不善射者御者  
說遇則獲不然不能也

蕭蕭馬鳴

錢氏曰蕭  
蕭靜貌

悠悠旆旌

錢氏曰悠  
悠緩行貌

徒御不驚

朱氏

曰徒步卒也御車御也驚如漢書夜軍中驚之驚

大庖不盈

疏曰大庖君之庖○傳曰禽雖多擇

取三十焉其餘以與大夫士以習射於澤宮○朱氏曰不盈言擇取而用之不極欲也

田事既畢軍旅旋歸觀者唯聞馬鳴之聲蕭蕭然而靜無他聲也見旌旆之行悠悠然而緩無亂次也徒行者御車者皆不驚擾大庖不盈擇取三十而已

張子

曰饌雖多而無餘者均及於衆而有法耳○李氏曰歐陽公之詩有曰萬馬不嘶聽號令諸蕃無事樂耕耘蘇東坡詩曰令嚴鉦鼓三更月野宿獵貅萬竈烟皆是效此兩句而作也○曹氏曰凡事始乎治常卒乎亂今獵罷而歸終始靜治○傳曰一曰乾豆二曰賓客三曰充君之庖故自左膘而射之達于右脇爲

上殺射右耳本次之射左髀達于右髀爲下殺面傷不獻踐毛不獻與大夫士習射於澤宮田雖得禽射不中不得取禽古者以辭讓取不以勇力取髀音縹脅後髀前肉也髀音愚謂肩前也髀俾陞二音謂股外髀音杏水腓也踐音翦腓音敷腰左右虛肉處○跂日乾豆謂第一上殺者乾之以爲豆實供宗廟也第二殺者別之以待賓客也第三下殺者取之以充實君之庖厨也箋曰射右耳射當爲達亦自左射之達右耳本而死者爲次殺以其達心死稍遲已微惡射左股髀而達過于右脅髀爲下殺以其中脅死最遲肉又益惡凡射獸皆逐後從左箱而射之面傷謂當面射之踐毛謂在傍而逆射之二者皆嫌誅降之義不成禽不獻孔氏云惡其害幼小此不能使獵者無之自君所不取以示教法耳大獸公之非復已物君賜使射故非中不取言嚮者田獵所取用勇力今射者禮樂所取用辭讓也○釋文曰何休注公羊自



左膝射之達于右脇  
中心死疾鮮潔也

之子于征

補傳曰謂有司此之征行

有聞無聲

問音

允矣君子

疏曰君子

宣王也

展也大成

贊曰展誠也

會同之事師徒衆盛由鎬至洛道路悠長非紀律嚴

整其擾多矣觀者以田事之終而徒御整肅如此乃

深美之曰有司之是役也聞師之行而不聞其聲信

矣宣王誠哉其大成也言功業極盛無遺憾也

箋曰晉人

伐鄭陳成子救之舍於柳舒之上去穀七里穀人不  
知可謂有聞無聲事在哀二十七年左傳作留舒

車攻八章章四句

吉日美宣王田也能慎微接下無不自盡以奉其上焉

疏曰留意於馬祖之祈禱是能謹於微細求禽獸唯以給賓是恩降於下

詩美田獵耳後序舉三隅言之

吉日維戊

箋曰戊剛日也○朱氏曰以下章推之是日其戊辰也

既伯既禱

傳曰伯馬

祖也○疏曰夏官校人春祭馬祖夏祭先牧秋祭馬社冬祭馬步注云馬祖天駟先牧始養馬者馬社始乘馬者馬步神爲災害馬者馬祖祭之在春其常也而將用馬力則有用彼禮以禱之馬祖謂之伯伯者長也鄭云馬祖天駟釋天云天駟房也孫炎云龍爲天馬故房四星謂之天駟

田車既好四牡孔阜

升彼大阜從其羣醜

箋曰醜衆也

外事用剛日故吉善之日維戊也既伯謂有事於馬  
祖將用馬力而祭之也既禱謂因祭而禱之願馬之  
彊健而獲多也以戊日祭而禱之其禱之之辭曰田  
獵之車既善矣四牡甚阜而肥壯矣車牢馬壯以歷  
險從禽將升彼大阜從禽獸之羣衆而田獵也此告  
神以將田獵其實戊日未田也○舊說謂禱於馬祖  
二既字不分曉伯是馬祖之神言既伯是既有事於

馬祖謂祭之也猶社是土神方是四方之神言以社以方則是祭社及方也既禱乃謂因祭而禱祈之也

吉日庚午

朱氏曰庚午亦剛日也

既差我馬

差音義○傳曰差擇也

獸之所

同

晏曰同猶聚也

麇麇麇麇

麇音憂麇音語○傳曰麇衆多也

漆沮之從

沮音趨○李氏曰漆沮二水名也禹貢所謂東會漆沮即此漆沮是也故孔氏以漆沮在涇水之東一名洛水與古公自土沮漆別也此漆沮正周禮職方氏所謂雍州其浸渭洛雍州之地非河南之洛也○曹氏曰漆沮二水名本太王避狄所徙岐周之地按漢志右扶風有漆縣漆水在縣西東入渭沮一名洛水亦在岐周若漢中郡之沮水則出房陵縣之東山東至天子之所鄆而入江非此沮也○漆沮又考見縣

以吉日庚午既差擇我田獵之馬至於田所獸之所  
同聚乃有牝鹿麇麇然衆多遂從漆沮二水之傍驅  
獸而至天子之所也言牝鹿則見蕃息之意

瞻彼中原

釋地曰廣平曰原  
中原蓋原中也

其祁孔有

傳曰祁  
大也

儻儻俟

俟

儻音標○傳曰趨則儻儻行則  
俟○錢氏曰緩行若相待也

或羣或友

傳曰三曰  
羣二曰友

悉率左右以燕天子

蘇氏曰  
燕樂也

視彼原中其禽獸形體祁大又甚多有矣其趨者則  
儻儻而疾走其行者則俟俟若相待或三爲羣或二

爲友從王者見禽獸之多於是率其同事左右之人各共其事以樂天子也

既張我弓既挾我矢

挾音決又音協○儀禮注曰方持弦矢曰挾○解見行葦

發彼

小豮

音巴解見騶虞

殪此大兕

殪音翳兕詞之上濁○釋詁曰殪死也○朱氏曰兕野牛也○

解見卷耳○傳曰言能中微而制大也○疏曰小者矢中必死小豮苦於不能射中大者射則易中唯不能即死小豮云發言發則中之大兕言殪者射著即死異其文者言中微而制大

以御賓客

朱氏曰御

進也○今日與燕者皆爲賓客不必專以爲諸侯也

且以酌醴

傳曰饗醴天子之飲酒也○疏曰醴

不可專飲天子之於羣臣不徒設醴而已此言酌醴者左傳天子饗諸侯每云饗醴命之賓是饗有醴者天子

飲酒之禮故舉醴言之也○曹氏曰莊十八年左傳號  
公晉侯朝王王饗醴命之宥杜預云先置醴酒示不忘  
也古

左右既驅禽獸於是張弓挾矢而射之牝豕小則難  
中乃發而中之野牛大則難死乃一發而殪之言善  
射也既得禽獸則以爲俎實進於賓客不特可以小  
燕飲又且以酌醴而饗舉行盛禮也○發謂發矢  
射之傳云百發百中則發有中否今日發彼小豕言  
發則得豕矢無虛發不待言中也○醴甘酒少麴多

米二宿而熟周官酒正五齊之二曰醴齊五齊味薄所以祭也三酒味厚人所飲也坊記云醴酒在室醴酒在堂則五齊亦曰酒醴味甜於餘齊與酒味殊穆生不嗜酒故元王每置酒常爲穆生設醴見醴與酒味異也饗爲盛禮惟王饗諸侯則設醴示不忘古禮

之重也

醴音禮○詩記曰車攻吉日皆以蒐狩爲言何也蓋蒐狩之禮所以見王賦之復焉所以

見軍實之盛焉所以見師律之嚴焉所以見上下之情焉所以見綜理之周焉欲明文武之功業者觀諸此足矣



吉日四章章六句

詩緝卷十八